



# ԵՒԼ ՆՇՅՈՒԼՈՒ

ՁԻՅԻՆ ՈՒՅՅՈՒՆ ԿԿՅՎԱԻՆԿԻՄ.  
ՃԱՅՄՅՈՒՆՆԵՐ!



ბ ა ე შ ე ე ბ ი

ლიდა სტილიას ლექსები გაგაცნობთ და შეგაყვარებთ ყვე-  
ლაფერს, რასაც ირგვლივ ხედავთ: მზეს, ცას, ველ-მინდვრებს,  
ცხოველებს, ადამიანებს.

ავტორი სწვდება თქვენს განცდებს, იცის, რაზე ოცნებობთ,  
რა გახარებთ ჩვენი ქვეყნის მომავალ მშენებლებს.

© „ნაკადული“, 1990

70802 — 51

C ————— 27—90

M-603(08)—90

ISBN 5—525—00357—0

საღა  
ღამის მზის დასასრულს





## მე და ბელურა

ბალი დამწიფებულა, ✓  
ბალი დამწიფებულა,  
აქეთ ტოტზე მე ვზივარ,  
იქით ტოტზე — ბელურა.

## გავხდი უკვე ბაღელი

შემიყვანა დედამ ბაღში,  
უკვე გავხდი ბაღელი!  
შემასწავლეს ბევრი ლექსი  
სათქმელი და სამღერი.

## ფიქრი

ფიქრი, ფიქრი, ფიქრი  
სახურავზე ზიქრი,  
თაგუნია დაიჭირა,  
ძირს არ ჩამოდიხი.

## მონადირე

მონადირე ბიჭი ვარ,  
მგელს და ტურას ვკლავ,  
ბაბუ მიქებს თოფს,  
ბებო მიქებს მკლავს.

## ბლის ხე

ბალში ბლის ხემ მხოლოდ იმ  
ბავშვს  
დაუმწიფა კუნწულა...  
ვინც არ არი ზარმაცი,  
თავნება და წუწუნა.

## ფალავანი

დათვმა რომ არ წამაქციოს  
მე — პატარა ფალავანი,  
მუთაქებით, ბალიშებით  
გამიშენეს გალავანი.

## ყნაში

თითო ძირ სიმინდზე  
ვტეხავ ტაროს ორ-ორს...  
ნედლი ტარო მე და...  
ხმელი ტარო გოდორს...

## მ ზ ი ა

მზია, თუ არ გაბეჯითდი,  
არ ისწავლე კარგად წერა,  
დაგტოვებენ იმავ კლასში  
და თინიკოც დაგეწევა.

## ტ ა შ ი, ტ ა შ ი

ტაში, ტაში, ტაში,  
ტაში, ტაში, ტაში,  
მდინარეში დამბანეთ,  
არ ვეტივი ტაშტში.

## ბ რ ო ლ ი ს გ ო გ ო გ ა ხ დ ე ბ ი

– თვალი, თვალი, თვალიო,  
თვალი მეწვის, ბებიო...  
რად გამსაპნე მესამედ,  
არ შეგირიგდებო...

– ისე ჭუჭყიანი ხარ,  
სამჯერ წასმაც არ კმარა,  
აგერ ქაფი ქანქალა,  
აგერ წყალი ანკარა.

ისე დაგბან, ვაგფერავ,  
თუ არ ახტებ-დახტები,  
რომ ამოხვალ ტაშტიდან,  
ბროლის გოგო გახდები.



## ციყვის ოჯახში

დედა ციყვა ფულუროში  
გაახურა ბუნარი:  
თხილი ააჩხრიალა,  
ძველი,  
ნაყარნუყარი...

აგუგუნდა მამა ციყვი:  
— ვოისარადა, ვოისა...  
წელს ცხრა შვილი მეყოლება,  
ყველას გვერდით მოვისვამ...  
აშრიალდა თხილის ბუჩქი:  
— მაშინ მეც ბევრს მოვისხამ!

## ყ ვ ა ვ ი ლ ე ბ ი

ვორუდილა, ვადილა,  
რა დილაა, რა დილა...  
ნუშის ყვავილს ჰკოცნიან  
ჯამაზი და დალილა.  
ტყემლის რტო ყვავილებად  
გაპენტილა ამ დილას.  
ყველა ბუჩქს აფენია  
ყვავილები მანდილად.  
ყვავილები დაფარავს  
ჩემს სამშობლოს ნამდვილად.  
ვორუდილა, ვადილა,  
რა დილაა, რა დილა...

## ზურია და ენძელა

— წამო, წამო ჩემს ბაღში,  
ტყე-ღრეში რომ ფოფინობ...  
— ვერ წამოვალ,  
სურნელი  
ამ ტყეს უნდა მოეფინო.

## ყველა თავისებურად

გია — წრიალ-წრიალით,  
ღია — კაბის ფრიალით,  
სახლის კარი — ჭრიალით,  
მტრედი — ფრთების შრიალით,  
ნაკადული — ჩქრიალით,  
წყარო — წკრიალ-წკრიალით,  
მზე — სხივების ცქრიალით,  
ელვა ჭექა-ქუხილით  
მთიდან მთაზე გადაჰქუხს,  
ყველაფერი ზემით  
ეგებება გაზაფხულს.

## მ ა რ ტ ი

რა მცინარა,  
რა მტირალა,  
რა მღიმარა მარტია,  
გაუშლია ენძელა,  
ია გაუბანტია.

## ნელი და აბრეშუმის ჭია

გააბი და გამოაბი  
ოქროსფერი ქსელი.  
პარკუჭანა მოიქსოვე  
უჩინარი ხელით.

შეხვედი და ჩაიკეტე,  
მე დამტოვე გარეთ...  
ასე მალე რატომ დამტმე,  
ცუდად მოგიარე?

## თ ს უ ნ ე ლ ა

ბალ-ბოსტანში,  
ბალ-ბოსტანში  
ცხოვრობს ერთი თხუნელა.  
გაასუქა,  
გაალაღა  
ბოსტნეულის სურნელმა...  
ოცდაათი გვირაბი  
გაიყვანა სულ ნელა,  
მიეპარა მახრებს და  
ყველას მზე დაუბნელა.

## ტ ყ უ ვ ე ბ ი

ჩამოვედი ქალაქიდან,  
გავახარე ბებია.  
შეხეთ, ერთურთს ტყუპი

მსხლეები

როგორ მიხუტებიან.

ბაბუამ თქვა: — ძმებია,

ბებიამ თქვა: — დებია!

პირსაც ერთად იბანენ,

მზეზეც ერთად თბებიან,

ჩიორამ თქვა: — ერთმანეთს

სულ არ ეჩხუბებიან.

## ერთი ვაშლი

✓

მწიფე ვაშლი გაგორდა და

მწვანე მოლზე წითლად ელავს;

— არა შენ და არა მეო, —

მწიფე ვაშლი უნდა ყველას.

ვიგო პაპას ქარქაშიდან

დაიძახა დანამ ხელად:

— შეიდფერია ცისარტყელა,

შვიდი ხართ და შვიდ ნაწილად

მე გაგიყოფთ ამ ვაშლს ყველას!

ერთი — ამას, ერთი იმას,

ერთი — ნანას, ერთი — ლელას...

ერთიც — დანის პატრონ პაპას,

ერთი ვაშლი ერგო ყველას!

## წაგბაძავენ ცინდლები

ფისო,  
ნერწყვით პირს რად იბან?  
წაგბაძავენ ცინდლები...  
ნუთუ წყალი ვერ იშოვე,  
პირს რომ დაგბანს, იმდენი?

• • •

გაიტაცა მურიამ ✓  
ფისოს ყველის ფინჩხალი.  
— დამიბრუნე, სად მიგაქვს? —  
ფისუნია მისჩხავის.

## „ალუ“ ჩემი სიმღერაა

დილა რომ გათენდება,  
„ალუ-ალუს“ ვიწყებ...  
„ალუ“ ჩემი სიმღერაა,  
აკვანს დედა მირწევს.  
„ალუ-ალუ“ — ჩიტებსაც  
სასიმღეროდ ვიწვევ,  
ხომ გათენდა, გავიღვიძე,  
ჩუმად რატომ ვიწვევ?!

## მ უ რ ი კ ე ლ ა

მურიკელა, მურიკელა,  
მომაწოდე წინა თათი,  
ხომ ხედავ, რომ ჩამოვედი,  
ადე, ხელი ჩამომართვი.

## ბ უ რ თ ი

აქეთ დარო, იქით გელა,  
ახტა, დახტა დიდი ბურთი  
და ბაღჩაში ჩასასვლელად  
არ დასჭირდა ერთი წუთი.  
გოგრებს გვერდით მიუჯდა და  
არხეინად იგრძნო თავი...  
აერია შავ გოგრებში –  
ბურთს ვერ მოჰკრა ბიჭმა თვალი.

## ჩემო პაწია!

„სიარულსაც გასწავლიან  
მალე, ჩემო პაწია,  
ლაპარაკსაც გასწავლიან,  
ვაჟკაცადაც გაგწვრთნიან“...  
ჩამომძახა ჩიტუნამ და  
ფრენა-ფრენით გასწია.  
დედამ ნანა მიმღერა და...  
ისევ გადამარწია.

## ეშმაკი თიკანი

არ მინდა, რომ ძილისგუდა  
ფისოს ძილი დავაცალო,  
ამოვედი აივანზე  
საბაკუნოდ, საბანცალოდ.

## პია ღა ყვავი

ჩამოვარდა რკო,  
ყვავმა წაიღო;  
იმ ყვავს თოფით მოკლავს  
ჩემი მამიკო.

## თაგვი კაკლის გორაზე

სავსე კალათს ვარია  
დააფრინდა კაკანით;  
კალათიდან ჩხრიალით  
გადმოცვივდა კაკალი.  
თაგუნია მ აივნის  
კარი უცბად ჩარაზა:  
— ციყვებისკენ კაკლები  
არ გაჰყვინენო შარაგზას.  
თაგვი კაკლის გორაზე,  
დაბრძანდა და განაზდა.  
დიდი სარჩოს პატრონი  
ულვაშს იგრეხს ლამაზად...  
— ვაკნატუნებთ დღედაღამ,  
იმ კუთხიდან მოყვებით...  
„ვარჰალალეს“ ვიმღერებთ  
მე და ჩემი მოყვრები...

## თოვლის კაცი

ფრ... ფრ... ფრ... ფრ... ფრ... მოფრინდა  
თოვლის ფიფქი მაღალ ციდან...  
დაჰქროდა და... თუთას თოვლი  
რაც კი ედო, დამაცვივდა...

ვივლი თეთრად გაბუმბლული,  
აღარ მინდა თოვლის გაცლა,  
რა კარგია,  
შემომხედეთ,  
ხომ ვიქეცი თოვლის კაცად?!

## დათვი უვილიუვილებში

ჰარალალი ჰარალალოდა,  
ჰარალალი ჰარალალოდა,  
წაბლს ხარშავდა ბებო დათვი,  
შვილიშვილებს დაჰნაროდა.  
— ბარბალობა, ბარბალობა,  
ჩემი მჭადის გვარგეალობა,  
ჩემი ბეროს ამღერება  
შეშითა და ნაქურჩელით.  
ზრდა, ჯანი და კარგად ყოფნა  
ჩემი თოთო დათუჩების.

## ბ ა ზ ა ზ ხ უ ლ დ ა

ფარჩა-ფურჩა,  
ფარჩა-ფურჩა  
ენძელები გაიფურჩქნა...  
მხვდება გზა-გზა  
ფურისულა  
თითო-თითოდ,



ხან ქუჩ-ქუჩად.  
გაზაფხულის  
სურნელებით  
ავსებულა  
ტყე და ქუჩა.

## ჩემი ციგა

ფანტელები,  
ფიფქები,  
მოფრინავენ ციდან,  
ჩამოვიღე სხვენიდან  
ჩემი ძველი ციგა.

ვწმინდე,  
ვწმინდე,  
გავწმინდე,  
მოეწონა ცინდალს.  
უმაღ სველი თათებით  
დაასკუბდა ზურგზე,  
მოაქროლებს თავქვე,  
მე ვდგავარ და ვუმზერ...  
კმაყოფილი ცინდალი  
თათებს იცემს გულზე.

## გაზაფხული მოვიდა

გაზაფხული მოვიდა  
თბილი,  
სხივებკაშკაშა,  
მოლი ამობიბინდა,  
ია ამოფარფაშდა.

გაუმარჯოს იებით  
ველ-მინდვრების მოფენას...  
მოჭიკჭიკე მერცხლების  
სამშობლოში მოფრენას.

## ა ლ ა ბ უ ლ ა - ა ლ ა ბ უ ლ ა ...

ა ლ ა ბ უ ლ ა,  
ა ლ ა ბ უ ლ ა,  
რა თბილია  
ჩა ლ ა ბ უ ლ ა!  
ტყეში ტურა  
კიოდა და...  
მურა მიტომ  
არ დაბმულა...  
დიდი მგელიც  
მურას შიშით  
მის ბუნაგში  
განაბულა...

მთელი ღამე უთოვია,  
არემარე დაბამბულა!

## ს ა ქ ა რ თ ვ ე ლ ო

უკვდავების წყაროებით  
უბესავსე მთავ და მდელოვ,  
მზენათელო, ცანათელო,  
თვალნათელო, გზანათელო...  
შენი ამერ-იმიერით  
იმზეგრძელე, საქართველოვ!

## ბროლის ჩურჩხელები

სახურავზე ჰკიდია  
ჩურჩხელები ბროლის...  
ოცი, ორმოცდაათი,  
განა ერთი, ორი...  
— ვინ გვიკიდებს ჩურჩხელებს?  
— ვინ და... ბებო თოვლი.

## ფ ი ფ ქ ი

ფიფქი, ფიფქი, ფიფქელა  
მალლა ცაში იფქვება...  
მერე ფარფატ-ფარფატით  
ველ-მინდვრებზე იფრქვევა...  
დაბლა ხორბლის წისქვილი გვაქვს,  
მალლა თოვლის იქნება...

## ჩ ა ი ღ ა ნ ი

— გოგო, ნანა, თავსახური  
დაახურე ჩაიდანს!  
— თავზე რომ არ დავახურო,  
შესცივდება, მამიდა?  
— კი არ შესცივდება, მაგრამ  
რომ ჩაცვივდეს მტვერი?  
რომ ჩაფრინდეს მწერი?  
ფისუნია მ რომ ჩაჰყოს  
ულვაში და წვერი?

## ხარის ჩივილი

ჩივის ხარი რქებმალალი:  
— შემიცვალეს ჩვეულება...  
ტრაქტორი ხნავს,  
მე კი ვცხოვრობ  
კავ-უღელში შეუბმელად...

არ მაძლევენ სახნავ მიწას,  
გავხდი უქმად მაჩანჩალა...  
ტრაქტორების მოწეული,  
როგორ ვჭამო ხარმა ჩალა?

## დაიჭირეს მელა

დელი-დელა, მე და დათომ  
დავიჭირეთ თეთრი მელა.  
დაბმულ სტუმარს, მელა სტუმარს  
წინ დაუსხდნენ თეა, გელა,  
ჰკითხეს: — ხომ არ მოგეწყინა  
ჩვენთან ყოფნა, მელიაო?  
— თუ გამიშვებთ, იზამთ მადლსა —  
შინ შვილები მელიანო.

## ჩიტი ღაჟო

თოვლით, თოვლით, დიდი თოვლით  
გაფუძვლულა ხე და ჩირგვი...  
შემოფრინდა აივანზე  
მობუზული ღაჟო-ჩიტი...

ახლა, დაჟო ძაღლის ცხვირწინ  
ფინჩის კენკვით გართულია...  
— კენკე, კენკე... ჩიტუნია...  
პირს არ გახლებს ბასულია.

ჩ ა ი შ ი...

წკიპ,  
წკაპ,  
წკიპ,  
წკაპ...  
იკრიფება კვირტები,  
ზოგი დედის თითებით,  
ზოგიც ჩემი თითებით...  
მე, დედიკოს კალათში  
ჩუმ-ჩუმად ვიჭყიტები...  
— ჯერ შენ დედას ვერ აჯობებ, —  
ჟღურტულევენ ჩიტები.

ციცუნია ველარ ციცოებს

ციცუნია ცაციცაო,  
ციცუს ტახტი წაიქცაო,  
დააგლიჯეს ულვაშები  
თეთრიცა და შავიცაო...

ახლა ციცუს თავგმა კობრის  
ლიფსიტელაც არ მისცაო,  
ის კი არა, ციცუს ჩოხაც  
თაგუნია მ ჩაიცვაო...

— რის კატა ხარ,  
შენი შიშით  
თაგვი თუ არ გაიქცაო?..  
ციცუ, შენი დაბადების,  
გაჩენის დღე დაიქცაო.

## მურა და მწყემსი ბიჭი

— მურა ჩემი ძმობილია,  
მურა ჩემი ძმობილია,  
მე და მურას ასხის მთები  
ცხრაათასჯერ მოგვივლია.

მწყემსებთან და საქონელთან  
მთაში ყოფნას რა სჯობია?..  
ასხის მთებში ვაბალახებთ,  
რაიონში რაც ჯოგია.

აქეთკენ რომ ღაჟო უსტვენს,  
იქით, ხევში გალობს შაშვი,  
ქვიდან ქვაზე ტალღებსკუპა  
მითამაშობს წყარო ფშანში.

მე და მურა ჩვენს შავ ნაბადს,  
სადაც გვინდა ხელად გავშლით...  
ვინც არ დადის მთაში მწყემსად,  
მეცოდება ყველა ბავშვი.

## რუჭუ, რუჭუ

რუჭუ, რუჭუ რომელშია...

რუჭუ, რუჭუ რომელშია...

— ამ ხელს დავკრავ, — იმაშია...

იმ ხელს დავკრავ, — ამაშია...

რუჭუ, რუჭუ, სად ხარ, რუჭუ,

ბედელში თუ თავლაშია?

ზვინში ზიხარ, სხვენზე ზიხარ?

გოდორში თუ მარანშია?

ვერ გიპოვი, პატარები

სანამ მუჭებს არ გაშლიან...

მზია სულ შენს ძებნაშია,

გია სულ შენს მალვაშია...

რომელ მუჭში ზიხარ, რუჭუ?

მარცხენაში?

მარჯვენაში?

ვინც გიპოვის, სად ხარ რუჭუ,

ის იქნება მარჯვე ბავშვი.

რუჭუ, რუჭუ რომელშია,

რუჭუ, რუჭუ რომელშია,

ამ ხელს დავკრავ, — იმაშია,

იმ ხელს დავკრავ, — ამაშია...

ციცქნა რუჭუ ართობს ბავშვებს

დარშიაც და ავდარშიაც...

დღე და ღამე თამაშობენ,

ისე კარგი თამაშია...

ԿՆ ՆՈՆՈՂՄ ԶԿՆՅՆՆՈՒ?!







რვა მარტია, მაგრამ  
დედას არ სცალია

დედას ლურჯი კაბა  
იის ნაცვამია...  
დედას ყელზე მძივად  
ოფლის მარცვალი აქვს...  
ოფლად დასცვენია —  
მინდურად რაც ცვარია.

დედამ გამოაცხო,  
რაც აქ ნამცხვარია...  
რვა მარტია, მაგრამ  
დედას არ სცალია...

სულ საქმე აქვს დედას:  
ეზო, სახლი, ბაღი,  
იქით — საქონელი,  
აქეთ — ყანა, ბაღი...

სად სცალია დედას,  
რომ მიუჯდეს სარკეს...  
დედას ჰყოფნის, სურნელს  
ყვავილი რომ აკმევს...

ცალკე ჩვენ ვლლით დედას,  
სამსახური ცალკე,  
მაგრამ დედას მაინც  
შრომა ვერას აკლებს!

გემრიელს და გულუხვს,  
ქათქათას და სუფთას  
ჩიტიც რძეს არ აკლებს  
დედას გაშლილ სუფრას.

დედამ გამოაცხო,  
რაც აქ ნამცხვარია,  
რვა მარტია, მაგრამ  
დედას არ სცალია!

### ბებოს სიმღერა

ფეხი რომ წამოგკარი,  
ფიჩხო გადატეხილო,  
ბებომ ასე მიმღერა:  
— მელაკუდას ეტკინოს;  
მგელს ეტკინოს კუდიგრძელს,  
სოროს გვერდით მოუჯდეს...  
ფეხი ტურას ეტკინოს,  
ჩემს პატარას მოურჩეს.

### დედა კატა და თხები

ზედ კიბეზე დაეჯახა  
თხა-ბეკეკა თხა-ბეკეკას...  
დაინახა დედა კატამ  
და კარები გამოკეტა...

ციცუნები ტასტქვეშ შეძვრნენ  
და კნავილით სახლი შეძრეს!  
ჩივის კატა:  
— შეილის გაზრდას  
სხვა რამითაც კარგად შევძლებ...  
მაჩხუბრები გამომივლენ, —  
არ შევასმევ შეილებს თქვენს რძეს!

## ჩვენი ბებო

ჩვენი ბებო ისეთია,  
სულ არა ჰგავს ბებიას,  
წელმოხრილი არ დადის,  
და არც თეთრი თმები აქვს...

ნაოჭებიც არა აქვს,  
არ აკლია კბილებიც,  
მაგრამ ბებო რომ არი, —  
ვიციტ დანამდვილებით.

## ძილის კაცი

ტყეში ცხოვრობს ძილის კაცი  
და გამოდის ნელა  
სალამოთი,  
ლამლამობით,  
როცა უკვე ბნელა...  
აბა, ჩქარა დედიკოებს  
ჩაეხუტოთ ყველა!  
ჩქარა, ჩქარა უკვე ისმის

ლაწალუწი ღობის:  
– ძილის კაცი,  
ძილის კაცი,  
ძილის კაცი მოდის!  
ფრთხილად, ფრთხილად გამოვუღოთ  
კარ-ფანჯრები ოდის! –  
ჩამომჯდარა ძილის კაცი  
წითელ ვაშლის ძირას  
და კითხულობს:  
– ეს ვინ ტირის?  
ეს ვის არა სძინავს?  
ჩიტებს სძინავთ, ქათმებს სძინავთ,  
თხებსაც ღობის ძირას...  
თქვენ რას უცდით,  
რად არ გძინავთ:  
მზია, გია, ცირა?...  
რძე დალიეთ, დაიბანეთ,  
მოეფერეთ პაპას,  
დაწექით და ძილის კაცი  
მოგიყვებათ ზღაპარს.

## აღიხე, მაღიხე

აღიხე, მაღიხე,  
აღივარა ლაღიხე,  
ოცდაათი ტომარა  
წაბლი მომცა წაბლის ხემ!

## ბაყაყია ყიყინაძე

სულ რომ ჭყვიც, ამიტომაც  
გოჭი გახლავთ ჭყვილაძე!  
სულ რომ კივის, ამიტომაც  
ჭოტი არის კივილაძე.  
სულ რომ ჩხავის, ამიტომაც  
ჩხიკვი გახლავთ ჩხავილაძე!  
სულ რომ კნავის, ამიტომაც  
კატა არის კნავილაძე!  
სულ რომ ბლავის, ამიტომაც  
ძროხა არის ბლავილაძე.  
რომ ჭიჭყინებს, ამიტომაც  
თევზი არის ჭიჭყინაძე!  
რომ ჭრიჭინებს, ამიტომაც  
ჭრიჭინაა ჭრიჭინაძე!  
რომ სისინებს, ამიტომაც  
ბატი არის სისინაძე!  
წარამარა რომ ყიყინებს,  
ბაყაყია ყიყინაძე.  
მოუსმინეთ, ბავშვებო:  
ჰოდა... ხმების მიხედვით,  
რომელი რა ცხოველია,  
რომელი რა ფრინველია,  
სულ იოლად მიხვდებით!

## რა ბებიკო მყავსო!

რა ბებიკო მყავსო,  
რა ბებიკო მყავსო,  
მალე რომ გავიზარდო,  
დღეში ორჯერ მბანსო.

— ჭუპა-ჭუპა თავსო, —  
და დამასხამს წყალსო.  
— ჭუპა-ჭუპა ტანსო, —  
კვლავ დამასხამს წყალსო.  
— ჭუპა-ჭუპა ლოყებს,  
ჭუპა-ჭუპა ცხვირსო. —  
მახვანჭალებს, წყალი  
ტირილს არ მაცლისო.  
— ჭუპა-ჭუპა ხელსო,  
ჭუპა-ჭუპა ფეხსო,  
ჭუპა-ჭუპა პირსო,  
ოქროს თმებს და მხრებსო...  
ჭუპა-ჭუპა თითებს,  
ჭუპა-ჭუპა ფრჩხილსო,  
ჭუპა-ჭუპა ცუცნა,  
პაწაწინა ჩვილსო...  
ჭუპა-ჭუპა ტერფსო,  
ჭუპა-ჭუპა კოჭსო,  
ჭუპა რძით გატიკნილ  
ჩემს პატარა გოჭსო.  
ჭუპა-ჭუპა ყურსო,  
ჭუპა-ჭუპა თვალსო,  
ჭუპა-ჭუპა ციციქნა  
აკენის „დედოფალსო“!  
მშვიდიც არის, მკვირცხლიც  
მტრედს და მერცხალს ჰგავსო...  
გაიზრდება, აგვივსებს  
სიმღერებით ბანსო!

## რა მამიკო მყავსო!

რა მამიკო მყავსო,  
რა მამიკო მყავსო...  
კარუსელზე წამიყვანს,  
ცირკში წამიყვანსო.

შაქართუთას მაჭმევს,  
ჟოლოს და მაყვალსო,  
ქორს და ძერას იჭერს,  
მგელს და ტურას კლავსო.

ჩაგვიხუტებს ყველას,  
ერთს რომ გაშლის მკლავსო.  
ყოველლამე ზღაპარი  
მამამ უნდა თქვასო.

## თოჯინას დაბადების დღე

ცუგრუმელა,  
ცუნცულა,  
კობტა და  
კოკროჭინა,  
დღეს ერთი წლის გამხდარა  
ჩემი გოგო თოჯინა.  
ს.ტუმრების მოლოდინში  
კობტად გამოწყობილა,  
საზეიმო სუფრისთვის  
ქადაც გამოცხობილა...



მოაკითხა დობილმა,  
მოაკითხა ძმობილმა,  
მოცეკვავემ განთქმულმა,  
მომღერალმა ცნობილმა...

მოულოცეს დღეობა  
კოხტას და კოკროჭინას,  
ათამაშეს თვითონაც,  
ათამაშეს თოჯინაც...

...ჩემი გოგო თოჯინა  
კოხტა და კოკროჭინა!..

## თეთრი კვერცხი

ცოვლში კვერცხი რომ ნახა,  
მზიამ უთხრა დებსო:  
ოეთრ კვერცხს წიპა კი არა,  
თეთრი თოვლი დებსო.

## გ ა მ ო მ ა დ გ ა

ყანა,  
ბოსტანი,  
ვენახი  
ჩვენც კი გვაქვს, ბებო, სკოლაში,  
ვბარავთ და  
უთოხნით,  
უთესავთ,  
ერგავთ,  
ჟართ იმათ სრუნვა-მოვლაში...

ეს, თვის ბოლოკის თესლია,  
ეს, გულაბი მსხლის ნერგია...  
ბოსტნის მოვლა რომ მასწავლე,  
კი გამომადგა, ბებია,  
ხუთიანები შრომაში  
ჩემდენი არვის რგებია.

## კარტოფილის წიწილები

აივანზე კალათა დგას:  
ალათობს და ბალათობს...  
კალათაში კარტოფილი  
და ძეკს დიდი საზამთრო.

— ბებო, ბებო, მაცივარში  
საზამთროს რომ ეძებდი,  
ნახე, აგერ, კალათაში —  
დაუღვია კვერცხები.

შეხე, კარტოფილის კვერცხებს  
კრუხად აზის საზამთრო, —  
რომ დაჩეკავს  
კარტოფილის  
წიწილები დავზარდოთ.

## ზოოპარკის კარუსელზე

მეღეა და ლიღია  
ზოოპარკში მიდიან.  
იქ ნახავენ მელიას,  
დათუნიას ბელიანს.

ციყვუნებიც ელიან,  
ზღარბუნებიც ელიან...  
იქ ნაყიდი ნაყინიც  
უფრო გემრიელია!  
იქ რომ კარუსელია,  
სჯობს სხვა ყველა კარუსელს!  
არ მივიდნენ სპილოსთან,  
კარუსელზე გაქუსლეს!  
მედეა ცხენს მოახტა,  
ლიდია კი – მელიას,  
სურვილები პატარებს  
აღარ გამოეღლიათ!  
კარუსელი იცინის,  
მღერის დელა-დელიას.  
ზოგიერთი ატირა  
კარუსელის ტრიალმა:  
– რატომ ვარ უკანო,  
რატომ გიას წინ არ ვარ? –  
კარუსელმა ჭრიალით  
მხრები აიყირავა:  
– ძირს ჩამოდით ახლავე,  
რომელიც ხართ მტირალა!

## ბებოს გოგო

– ბებოს გოგო, სად ჰყავდი  
წაყვანილი ბებიას?  
– სად და სტუმრად შატილში,  
სადაც დიდი მთებია!..  
სადაც ჭიუხებია,

სადაც ქარაფებია!..

— ბებოს გოგო, შატილში  
რა გაჩვენა ბებია?

— რა და... კოშკი შატილის,  
მტრებს რომ ბევრჯერ შებმია...

— ბებოს გოგო, კიდეც რა,  
რა გაჩვენა ბებია?!

— რა და... თეთრი ბატკნები  
რძით რომ ქათქათლებიან,  
ჩქარა რომ იზრდებიან  
და რომ ხუჭუჭდებიან...

— კიდეც, კიდეც, გვითხარი,  
რა გაჩვენა ბებია?..

— რა და, ჯიხვი ურქენდა  
კლდეებს ქარაფებიანს!  
შორით ვეფერებოდი  
იმ ჯიხვს მაგარრქებიანს...  
ორბიც ვნახე, არწივიც,  
ქლალისფერი ფრთები აქვს...  
იცით, როშკის ჩანჩქერზეც  
ამიყვანა ბებია.

წყლის წისქვილი მაჩვენა, —  
ამოდენა თვლები აქვს!..

იცით? კიდეც შატილში  
ვინ მაჩვენა ბებია?..

ას ოცი წლის მოხუცი,  
დათოვლილი თმები აქვს...

— ბებოს გოგო, იქ მეელი  
არსად შეგფეთებია?

— მგლები იმათ ხვდებიან,

ვინც არ უსმენს ბებიას...  
მე... დამჯერე გოგო ვარ,  
მგლები არსად მხვდებიან!..

## სსპისი კატა

საიდანღაც ჩვენს ეზოში  
შემოვიდა ერთი კატა, —  
ჩიტი სამ დიდ ბუდეს მოქსოვს,  
კუდით იმდენ ბალანს ფანტავს...  
მოსვლის უმაღ ყუთი ბინად  
მიიჩინა სახლის წინა...  
აიკუზა, შიგ ჩაძვრა და  
გემრიელად ჩაიძინა.  
დაინახეს წიწილებმა  
და თვალები გაუბრწყინდათ,  
წყალი ასხეს ნისკარტებით:  
— წვიმა მოდის,  
— წვიმა,  
— წვიმა.  
გაიღვიძა,  
სიყვარულით  
მოუქნია თათი ყველას.  
გრძელკისერა,  
თმაქოჩორა,  
მოკუდნული,  
ჟრუნა, ჭრელა...  
ერთ სწორ ხაზზე დააყენა —  
მეთაურმა ფისომ მწკრივად  
წიწილები სათამაშოდ

წაიყვანა ვაშლის ძირას.

ხან პეპელას გაეკიდნენ,

ხან ხოჭოებს,

ხან ობობებს...

შუადღით კი დაღლილები

შეეყუვნენ ჩრდილქვეშ ღობეს...

ღოდო ამბობს: — შეხეთ, როგორ

ჭკვიანად და წყნარად ზისო...

არ ყოფილა ცუდი ფისო,

არ ყოფილა ცუდი ფისო...

არც წუწკია, არც მსუნავი,

ზარმაცავით არ ამთქნარებს...

ასე კარგი ფისუნია

ვინ გააგლო ნეტავ გარეთ?!

## ვენახის კაცი

გუშინ მთელი ვენახი

დაიარა ბაბუამ.

საქათმიდან უმზერდნენ

მამალი და ღაბუა.

— ვაზებს მტევნებს უსინჯავს,

რა ძუნწი, რა ავია...

ნეტავ რატომ დაგვსაჯა,

ჩვენ არ შეგვიჭამია, —

აღუღღღდა მამალი,

გაუწითლდა ბიბილო,

წაიგრძელა კისერი:

— სანამ უნდა ვითმინოთ?

მტკივა, მეწვის ფრთის ძირი,

ტკივილს ვერ გავუძელი...  
ჩვენ დაგვაჭრან ფრთები და  
ჩიტმა ჭამოს ყურძენი?  
ერთი შეიფათქუნა,  
მაგრამ ველარ აფრინდა,  
მოეფერა დედალი:  
— კარგი, ჩხუბი რად გინდა!  
იმ ჩიტებსაც ბაბუა  
რამეს გამოუძებნის,  
რომ ვერ ჭამონ ყურძენი.  
მეორე დღეს ბაბუამ  
ზვარში პალტო დაკიდა,  
ჭიგოები შეუდგა  
იქიდან და აქედან.  
ასეთი რამ ნახულა?  
პალტოს ქუდი დაჰხურა...  
როგორც ნახა ჩიტუნამ, —  
ვენახიდან გაფრინდა  
და საწყალი თვალებით  
გადმოხედა საფრიდან.  
ყველა ჩიტმა გაიგო,  
ზვარში ვილაც კაცია,  
დიდი ქუდი ახურავს,  
გრძელი პალტო აცვია...  
შეეშინდათ ჩიტუნებს  
და გაფრინდნენ ესოდან  
სხვის ეზოში, სხვის ზვარში,  
იქვე ახლოს, მეზობლად.  
აგერ შვილიშვილები,  
ყოჩალები რბენაში,

სიხარულით ჩაცვივდნენ  
ყურძნით სავსე ვენახში.  
იქ რომ კაცი იხილეს,  
გაქრა მათი ღიმილი,  
შეეშინდათ, ატეხეს  
ერთი ჟივილ-ხივილი.  
გარბოდნენ და ყვიროდნენ:  
— ჩვენს ვენახში ქურდია,  
მაგრამ ისე იპარავს,  
კალათა არ უდგია,  
დიდი ქუდი ახურავს,  
გრძელი პალტო აცვია...  
გაეცინა ბაბუას: —  
ის ვენახის კაცია!

ჩემო ბებო ✓

შხაპ-შხუპ,  
შხაპ-შხუპ,  
ქაფ-ქუფ,  
ქაფ-ქუფ, —  
აბანავენს ბებო დალის.  
— ჩქარა, ბებო, ჩქარა, თორემ  
შეგვიწყდება თბილი წყალი,  
ქაფი რომ ვერ მოვიცილო,  
ხომ დამეწვა საპნით თვალი.



სულ თეთრი და  
სულ ქათქათა  
კიჭი, კიჭი, კიჭიკელა,  
ძირა კბილი,  
თონა კბილი —  
ამოვიდა თითქმის ყველა.  
კბილები რომ დაუნახოთ,  
სულ იცინის ბიჭი გელა...  
— შემჭამეო, — უთხრა მჭადმა.  
— შემჭამეო, — უთხრა ყველმა.

### ჯიუტი ბაჭიები

გუგუნებს და გუგუნებს  
ტკარცალებს და ტკაცანებს,  
დიდი ცეცხლი უნთიათ  
ფულუროში ნაცარებს...

თეთრი ბებო კურდღელი  
წინდებს უქსოვს ბაჭიებს:  
ტურცმაცუნა მსუნაგებს,  
ცქნაფა — სორობლაჭნიებს,  
მოცუნცულე ბოცვერებს,  
გამხდრებს,  
კანჭებკნაჭიებს...

აქეთ-იქით გახედვა  
დედას არ დააცალეს,

დარიგების გარეშე  
კარში გაიცანცარეს..

მიწა გადაბამბულა,  
დიდზე დიდი თოვლია,  
თოვლს ვინ ეძებს,  
— ჰამ-ჰამ, — ყეფს  
თეორი ძალღი ბროლია!..

ბაჭიებმა წივილით  
შემოხურეს კარები,  
ჩაეხუტნენ დედიკოს,  
შემოხვიეს თათები.  
— ერთ ძალღს ჩვენს დასაჭერად  
აქეთ აქვსო თვალეები...  
გვეშინია, დედიკო,  
ვერსად დავემალეებით?  
— თქვე ბრიყვებო, სოროს კარს  
უჩემოდ რად აღებდით?  
დედის დაუკითხავად  
გარეთ რატომ გახვედით?  
ხედავთ, გვითვალთვალევენ  
მონადირე ძალღები.

## მე ვიზრდები სოფელ ხუნწში

მე ვიზრდები სოფელ ხუნწში  
ცხენისწყალის პირას,  
მის ტალღებში ცა-ლაჟვარდი  
მზეს აწრთობს და პირავს!

შიგ ცურავენ კალმახები  
ოქროს კუდით, ფრთებით,  
შიგ ჭინკებიც ბანაობენ  
დაბურღული თმებით...

როცა აქ ვართ, ბებოს გულით,  
როგორც ცხელ მსით ვთბებით!  
აქ არიან სუყველანი:  
გიგოც, ნინოც, სხვებიც...

ძლიერ მოგვწონს ცხენისწყალის  
რიყის თეთრი ქვები,  
„ნაჯიხოუს“ ძველ ნანგრევთა  
ხავსიანი მხრები.

ჭრელაჭრულა ჩიტუნების  
მოჭიკჭიკე ენა,  
ღამღამობით ვარდის რტოზე  
ბულბულების სტვენა.

თეთრ პეპლების შარიშური,  
ბზიკის მწარე კბენაც...  
ბეკეკების ხტუნვა-ბუქნა,  
ბოჩოლების რქენა,  
გულმობილო ზენა ქარი,  
სუსხიანი — ქვენა!..

მოვიჯერეთ გული მინდვრად  
მწიფე მარწყვის ძებნით.  
ბუსკა, მურა, კვიცი — ყველა  
გახდნენ ჩვენი ძმები!

ისე ყეფენ თუნთიები,  
შორ სოფლებშიც ესმით,  
წვიმის წყალიც,  
თოვლის წყალიც,  
დილის ცვარიც შევსვით...

გვიმოსავენ თმას იები,  
თეთრი ენბელებიც,  
გვეცოდება, რომ მისდევენ  
კურდღელს მეძებრები!..

გვეფერება ფშიარები,  
ჩუმი გვიმრალები,  
შიგ ეშმაკიც ვერ მოგვძებნის,  
ისე ვიმალებით...

მწყემსვა ვიცით, ცხენზე ჯდომაც,  
ყანის, ბოსტნის მარგვლაც...  
მალლობზეა ჩემი ხუნწი,  
სხვა სოფლებს კი არ ჰგავს...

ამ სოფლიდან მოჩანს წაბლქვეშ  
დათვი როგორ გორავს,  
„ტაბაკელის“, „ობოდირის“,  
თეთრი „წკირის გოლაც“!

თამარ-მეფის „ქოშის გორაც“  
მოჩანს ამ სოფლიდან,  
გუშინ დილით  
წაბლის ტყიდან  
ორბიც ამოფრინდა.

ხან გავყურებთ გურიის მთებს,  
ხან ჩვენს მაღალ „მარტვილს“,  
ხუნწის ტყეში ორბს ბუდე აქვს  
და ჰყავს ორი ბარტყი...

მოგვწონს ხუნწის კორდებიც და  
მთებიც, წყაროც, მდელოც...  
გვიყვარს ჩვენი მშობლიური  
ტურფა საგამდელო!..

### როცა დათბა...

როცა დათბა, მწვანე მოლით  
ტყე და ველი აფოფინდა,  
ჭრელი ჩიტი უღრან ტყიდან  
ჩვენს ეზოში შემოფრინდა.

\* \* \*

✓ წყარო, წყარო,  
ღელე, ღელე  
თუკი მიყვარს სიარული,  
ისიც ვიცი, თეთრი ია!  
სადაცაა მიმალული!

### ეს კარგი კაცი გამოვა

უსაქმოდ,  
მარტო თამაშით  
ერთ ღღესაც კი არ ვაღამებ,

ჩემი ნათესი ჯეჯილი  
შეხეთ,  
რა მწვანედ ღაღანებს!

ჩემი ნათიბი ბალასი,  
შეხეთ,  
რა ჩქარა გამხმარა?  
უნდა დავზვინო,  
ზამთარში

რომ ჭამონ ძროხამ და ხარმა!

ჩემს დარგულ მაღალ პამიდვრებს  
შეხეთ,  
მოუსხამთ რამდენი!..  
თხები ჯაგნარში შევრეკე,  
ხბორებს ჭალაში გავდენი!..

ბებია ნატრობს:

— ნეტავი

მაცოცხლა ერთი ამდენი,  
რა კარგი შვილიშვილი მყავს,  
რა მარჯვე,

გამრჯე,

ჭკვიანი,

გამოვა შრომისმოყვარე

ნამდვილი ადამიანი!

**ზ ღ ა კ ა რ ი**

ფრჩხილის მოჭრა,

თმის დავარცხნა,

დაბანა რომ არ უყვარს —

იმნაირ ბავშვს ჭინკა ტყეში  
თავის შვილებს წაუყვანს.

ვინც ავია, ხარბია და,  
მშვიდად ყოფნა არ უყვარს,  
მგელი იმ ბავშვს სამეგობროდ  
თავის შვილებს წაუყვანს.

ვინც ყველასთან ცრუპენტელობს  
და მართლის თქმა არ უყვარს,  
იმ ბავშვს მელა სამეგობროდ  
თავის შვილებს წაუყვანს.

ვისაც მჭადზე, ჭყინტი ყველის  
მიტანება არ უყვარს,  
იმ ბავშვს ტურა სამეგობროდ  
თავის შვილებს წაუყვანს.

ვინც სულ დახტის, არ ისვენებს,  
წიგნთან ჯდომა არ უყვარს,  
იმ ბავშვს ციყვი სამეგობროდ  
თავის შვილებს წაუყვანს.

— თქვენ რომელი გირჩევნიათ?  
— ჩვენ? — დედ-მამის დაჯერება!  
ჭინკა, მელა, მგელი თავის  
შვილებს ჰყავდეთ დამსჯელებად!

თ ა მ ა შ ა

სულ ხტუნაობ, ხტუნაობ,  
წიგნს ერთხელ არ გადაშლი...

ბურთი თუ გადავიხტა, —  
მაშინ შეხვალ ყანაში...  
ისე... მარჯვე ბიჭი ხარ  
ჭყინტი ტაროს ჭამაში.

## ჩვენ ვეზრდებით სამშობლოს

— მე, მხატვარი გამოვალ,  
ძლიერ მიყვარს ფერები,  
ჩემი ყალმით სამშობლოს  
უფრო მოვეფერები!

— მე მჭედელი გამოვალ,  
ვეტრფი ქურას უქრობელს;  
გამოვჭედავ ცელ-ნამგალს,  
უფრო მჭრელს და უფრო ბეერს!

— მე ისეთ ტრაქტორს შევქმნი,  
რომ ქვეყანას მოხმარდეს,  
მარტო ბარში კი არა,  
მალლა მთაშიც რომ ხნავდეს!

ჰოდა, აგერ მინდორი,  
დასახნავად წინ მიდევს,  
დავთესავ და მოვიყვან  
შავულვაშა სიმინდებს.

— მე ვენახი მიზიდავს,  
არც ურო მსურს, არც ქურა.  
დავამყნობ და დავწინდავ,  
შაბიამნით განკურნავ,



რა სჯობს ლერწებს დახუნძლულს,  
მავთულზე რომ გაკრულან.

მე კი ჩაის მოსაკრეფ  
დიდ მანქანას გავმართავ!  
ფოთლით წუთში ავაკსებ  
ასიოდე კალათას.

მსურდა სამედიცინო,  
მაგრამ აზრი შევცვალე,  
ათეზის ბარაქიანი,  
უნდა გავხდე მეცხვარე!

— მე არც ხარატობა მსურს  
და არც თქვენი მხატვრობა,  
თუ გამიშვეს მშობლებმა,  
მინდა კოსმონავტობა.

— მე მსურს, რომ გამოვიდე  
ნაღდი, ვარსკვლავთმრიცხველი.  
— მე კი მინდა, რომ გავხდე  
ფეხბურთელი ფიცხელი!

მე არც ინჟინრობას და  
არც მწყემსობას ვემდური,  
მთავარია, რომ ვიყო  
საქართველოს ერთგული!

ყველა საქმე კარგია,  
რაც ჩვენს მამულს ადიდებას.  
თუ შემატებთ ხვალისთვის,  
რაც დღეს არის — ათ იმდენს!

## ვის ჰგვანან ნეტავი?

შეხედე, მედია,  
მინდვრებში  
გზადაგზა  
რამდენი ყვავილი  
გაშლილა ლამაზად?  
ყაყაჩო,  
მცინარა,  
გვირილა,  
ბაია,  
ბალბა,  
ლურჯთვალა,  
ბეჭედა,  
ალმასა...

— ვის ჰგვანან, ნეტავი?  
— ვისა და... როგორც ჩვენ  
ნახევრად დედას და...  
ნახევრად მამასა!

## ბიჭი ზღაპრეთში

როგორც ჩიტი ხანდახან,  
ფიქრო, გამიფრინდები,  
სადაც არის ზღაპრეთის  
გადაშლილი მინდვრები!..

ჩვენთან რაც გვრიტებია,  
იქ ჰყავთ ასი იმდენი!  
ჩვენთან რაც ციყვებია,  
იქ ჰყავთ ასი იმდენი!

ჩვენთან რაც ბელებია,  
იქ ჰყავთ ასი იმდენი!  
ჩვენთან რაც ბავშვებია,  
იქ ჰყავთ ასი იმდენი!

მეც დაექრივარ ზღაპრეთში,  
ღევებს ჯოხით მივდენი,  
ჩვენთან რაც ძალ-ღონე მაქვს,  
იქ მაქვს ასი იმდენი!

### ჩხარელ ბებიას

ეკეკები —  
ბეკეკები.  
ბაჭიები —  
ბლაჭნიები,  
კანჭიები —  
კნაჭიები.  
ბოჩოლები —  
ქოჩორები.  
ღრუტუნები —  
კრუტუნები.  
ღუღღუნები —  
ბურღღუნები.  
მწივანები —  
მცივანები.  
კოკინები,  
ყროყინები.  
ციყვუნები, კვიცუნები,  
იხუნები, ციცუნები,  
კვიტკვიტები —

ვიტ-ვიტები.  
ყვიტ-ყვიტები  
ბრიყვ-ბრიყვები.

კატუნები,  
ბატუნები,

ყველა  
ხატულ-ხატულები.

— ბე... ე...

— მე... ე...

— ზმუ... უ...

— პე... ე...

— მიავ...

— ამ, ამ...

— არუც... აქშიც...

ტყეშიც, ცაშიც, წყალშიც, სახლშიც...

ყველაფერი ღამაზი ჰყავს

ჩემს ბებიას სოფელ ჩხარში!

## კურკანტელის სტუმრები

აბა დელი, დელი-დელა,  
მწიფს წითელი კურკანტელა,  
შაშვი, ღაჟო, გულწითელა  
მას ეწვია სტუმრად ყველა...

კუნწულები ერთმანეთში  
ტოლად არ აქვთ გაყოფილი...  
თითო ხვდათ თუ ცხრა-ცხრა ცალი,  
ყველა არის კმაყოფილი!

## ასაკოლონური ნანა

ბულბული ზის ამ აკვანზე  
და მზე სხივსხარტულა...  
ნანა, შვილო, დაიძინე,  
სისა, სისა, ტურა!

ბედნიერი აკვანია,  
ძველი, ძველთაძველი...  
შიგ გაზრდილა გლეხი კაციც,  
მეფეცა და ბრძენიც!

გაფენ წითელ-ყვითელ ატლასს  
ლამაზ ჩითხატულას,  
ნანა, შვილო, დაიძინე,  
სისა, სისა, ტურა!..

მზესა და ჩემს რძეს შეგარგებ,  
ბადრის ტყუპისცალო...  
თვისა ხარ და წლისას ჰგავხარ,  
დედა გენაცვალოს...

ნანა, შვილო, მამისთვალავ,  
ნანა, ძილს ვინ გიშლის?  
ტურამ ხომ არ შეგაშინა,  
რად ატირდი ძილში?

დაიძინე, გაპარულან  
ტურა-მელა სხვისას,  
ნანა, შვილო, ნანა, ნანა,  
სისა, ტურა, სისა...

ქუხილი ნუ შეგაშინებს,  
ნანა, შვილო, ნანა...  
ქუხილს წვიმა მოსდევს კვალში,  
დაპურდება ყანა.

ხალხმა უკვე ცა დაიპყრო,  
უკვე მთვარეც ნახა...  
გაიზრდები, ნანა, შვილო,  
შენ უფრო შორს წახვალ...

შენ ვერავინ გაგიბედავს  
სხვის უღელში შებმას,  
საქართველოს სიმღერები  
ელოდება შენს ბანს!..

ამ აკვანში გაზრდილ გმირებს  
უომიათ ბევრი,  
ჯიშიც მოგდგამს და ჯილაგიც,  
უნდა მუსრო მტერი!..

შენც გაიგებ, ანგელოზო,  
წუთისოფლის ამბავს,  
შეისწავლი ჩიტიც ჭიკჭიკს,  
იაკობის ანბანს...

აბრეშუმის ხალათს გიქსოვს  
ოქროს სხივი მზისა,  
ნანა, შვილო, დაიძინე,  
სისა, ტურა, სისა!..

ნანა, შვილო, მოგცემოდეს  
ხმა ზარის,

ფრთა — ქარის...  
გამძლეობა და სიმტკიცე  
ვანტანგ მეფის ფარის!..

წკარუნებენ ვარსკვლავები,  
ბაღლო, ძილი ნების,  
დაშრიალებს ატლასები  
თეთრი გვირილების...

ბულბული ზის ამ აკვანზე  
და მზე სხივხატულა...  
ნანა, შვილო გაიზარდე,  
სისა, სისა, ტურა.

## მარჯვე წიკა

ცხრათვალა მზემ ჯამაზ-ბიჭის  
ყანაში რომ შეიჭყიტა,  
მზე გულებში ჩაიხუტეს  
ლობიომ და ტარომ ჭყინტმა...

წიფა, წიფა, წიფა, წიფა,  
მზემ სიმინდი დაამწიფა.  
ჭრელად,  
ჭრელად,  
ყვითლად,  
წითლად  
მზემ ლობიოც დაამწიფა,  
პარკი გასკდა და მარცვალი  
ამოსკუპდა: — ჭიტა, ჭიტა!.. —

კენკა, კენკა, კენკა, კენკა,  
დაიხმარა ჩიტი წრიპაც.  
და ბებიკოს მიუტანა,  
თაგვს არ მისცა მარჯვე წიპამ.

## თებერვალი მოსულა

დაჩეკილან იები  
თეთრი თოვლის ბუდეში.  
სხედან წიწილებივით,  
დედაბურქის უბეში...  
...თებერვალი მოსულა,  
მზეს რა უნდა ღრუბლებში?

მოქათქათე ლურჯ ცაზე  
მზე კაცივით მაშვრალი  
დადის და დედამიწას  
ათბობს სხივთა ლაშქარით!

## ბ ე ბ ი ა ს თ ა ნ

აღრე ვდგებით,  
აღრე ვდგებით,  
დილ-დილობით მე და ბები.  
საკენკს ვუყრი, ქათმებს, მტრედებს,  
იხვის ჭუკებს, ბატის ჭუკებს...  
რომ გაძლება რძით ბოჩოლა,  
მზეც ამოდის წითლად უკვე.



ზის მერცხალი ბუდის თავზე  
და ჭიკჭიკით ერდოს იკლებს.  
ბებო მისდევს თხას და ძროხას,  
მე მოვრეკავ ხბოს და თიკნებს.  
    შემეჩვია თეთრი ლეკვიც,  
    მიყურებს და სულ არ მიღრენს,  
    ჭიდან დოქით წყალი მომაქვს,  
    საბუდრიდან კვერცხებს ვიღებ.

დავდევ ბებოს ტყეში, ზვრებში,  
დავდევ ბებოს ბოსტნის კვლებში,  
ვაკვირდები კვირტის გაშლას,  
როგორ არღვევს მიწას ფესვი.  
სულ აქა ვარ, კარგად ვიცი,  
სად წევს დიდი მწიფე ნესვი.

## დამეკარგა ფეხსაცმელი

დღეს ახალი,  
გუშინ ძველი,  
დამეკარგა ფეხსაცმელი;  
აქ ნამდვილად ვილაც ქურდობს, —  
უნდა მოვჭრა, იმ ქურდს ხელი.

ცალი ბებოს უპოვია,  
უპოვია ცალიც ხუტას,  
თურმე ჩვენი მურა ცელქობს —  
დავაბამ და იჯდეს კუტად.

## ჩიტის ბუდესთან

✓

გუშინ დილით წიფლის ხეზე  
მივაგენი ჩიტის ბუდეს;  
შიგ პაწაწა ჭორფლიანი  
სამი ცალი კვერცხი უდევს.  
    დამინახა  
    შორიახლო,  
    აჭყიპინდა, კვნესა მორთო,  
    არ ეგონა, თუ ბუდეში  
    ჩაკუფენდი ხმელ-ხმელ ფოთოლს.

ფრთახატულამ,  
გულშემკრთალმა  
ამიქროლა, ჩამიქროლა,  
რომ დარწმუნდა, არც ბუდე და  
არც კვერცხები არ მიმქონდა,  
სიხარულით დამჭიკჭიკა,  
სხვა ჩიტებიც აიყოლა.  
ყველამ ერთად ჩამომძახა:  
— გაიზარდე დათვის ტოლა.

## მ ო ც უ რ ა ვ ე

✓

ჩავემალე ტალღებში  
უშიშარი, გულადი.  
სწორედ ამ დროს ძიამაც  
გადამიღო სურათი,  
ეგონება მამიკოს,  
ვითომ მართლა ვცურავდი.

## მ შ ი შ ა რ ა ✓

შეეშინდა, ბეკეკას  
რომ შეახო ხელი.  
— მშიშარა ხარ, მშიშარა! —  
გიას უთხრა ნელიმ.  
— მოეფერე, თხა არის,  
არ გეგონოს მგელი.

## ჰერი ზლაპარს, ✓ ზლაპარსა!

ამ ზლაპრული რაშითა  
გადავივლი ცხრა მთას.  
ამ ზლაპრული ხმლითა  
დევს წავაცლი ცხრა თავს...  
მელას ციხე-სოროდან  
გამოვიყვან ქათამს...  
ჰერი ზლაპარს, ზლაპარს  
ტყუილსა და მართალს.

## მათბობელა ბუსარი

რომ ვივახშმებ,  
დავიბან...  
ძილო, სანამ მეწვევი,  
სანამ ბებო დაწვება,  
მის ლოგინში მე ვწვები.  
ლოგინს ვუთბობ ბებიას,

რაც ეს თოვლ-ყინვებია...  
— რაც ლიდია ჩემთან წევს,  
სითბო არ მომკლებია, —  
იტყვის ბებო... და გვიან  
წვება, გულში მიხუტებს,  
როგორც ჩიტი მის ბარტყებს,  
როგორც ფისო — მის კნუტებს.  
მიხარია ბებოსთან,  
ბებიასაც უხარის...  
მე ვარ ბებოს ლოგინის  
მათობელა ბუხარი.

## ღ ა თ ვ ი

დათვი დადის დანდალით,  
დაბალია,  
დაბალი,  
ისე კი სურს რომ იყოს  
ჟირაფივით მაღალი,  
რომ ხეზე აუსვლელად  
ჭამოს თუთა და ბალი.

## წვიმა და გოგონა ✓

— წვიმავ,  
წვიმავ, შხაპუნავ,  
წვეთ-წვეთად რომ დახტუნავ,  
რად არ ჩამომიყვანე  
ციდან ღრუბლის დათუნა?

## მსხლის მურაბა

ეურადა, ურადა,  
ეურადა, ურადა...  
უჰ, რა გემრიელია  
ბებიკოს მსხლის მურაბა!..  
თაფლზე უფრო ტკბილია,  
წვენი ქარვისფერია,  
ვჭამ,  
ვჭამ და არ აკლდება,  
მაინც ისევ ბევრია,  
ქილა ისევ სავსეა,  
მუცელი გაბერვია...  
თურმე ჩუმაღ უმატებს  
სხვა ქილიდან ბებია.

# გვიყვანოს ჩვენი პაჩუკი სკოლა





## ყველა სკოლის ზარი მღერის

— ნაუ,  
ნაუ,  
მოდით,  
მოდით,  
ზარი მღერის სექტემბერის...  
აწკრიალდა ყველა ზარი,  
ყველა სკოლის ზარი მღერის!  
ყანა თოხნეს,  
ჩაი კრიფეს,  
ციხე ნახეს ბევრზე ბევრი,  
მთა დალაშქრეს,  
ტყე დალაშქრეს,  
და ჰა, დადგა სექტემბერიც.

ახალ ჩანთით,  
ახალ ფორმით,  
მოეფინენ ქუჩებს, შუკებს,  
ბავშვი კარებს ვერა სწვდება  
და სკოლაში ჰიდის უკვე.

გულში იკრავს „დედა ენას“,  
ფერად ჩხირებს,  
ფერად ფანქრებს  
და მოხატულ თეთრ სამელნეს —  
თეთრად, თეთრად რომ ანათებს.  
ზარი ამბობს:

— ნაუ,  
ნაუ,  
გამრჯედ,



გამრჯედ...  
თვალი მარჯვედ,  
ხელი მარჯვედ,  
ყური მარჯვედ,  
სულ მარჯვედ და  
ვაიმარჯვებთ!

## გვიყვარს ჩვენი კარგი სკოლა

გვიყვარს ჩვენი კარგი სკოლა,  
სადაც ვსწავლობთ ანაბანას,  
სადაც ვსწავლობთ წერა-კითხვას,  
სადაც ვკენკავთ სიბრძნის ყანას!  
სადაც ვსწავლობთ ჩვენი ქვეყნის  
მოვლასა და პატრონობას,  
ხმაგუგუნა ბიჭები და  
გოგონები ხმატოროლა!..  
განა მართო გაკვეთილებს?  
ვსწავლობთ ქცევას, თამაშს, შრომას,  
ვსწავლობთ, ვინ გვყავს მტერ-მოყვარე,  
მეგობრობას ვსწავლობთ სწორად!

ზოგს ხუთები დაგვიწერა,  
ზოგს ოთხები,  
ზოგსაც სამი,  
დიახ, მასწავლებელია,  
აგვიხილა ვინაც თვალი,  
დაგვიწერა ორიც, მაგრამ  
მაინც გვიყვარს დედასავით!

გვიყვარს ჩვენი კარგი სკოლა,  
სადაც ვსწავლობთ ანაბანას,  
სადაც ვსწავლობთ წერა-კითხვას,  
სადაც ვკენკავთ სიბრძნის ყანას!

## სამშობლო რომ ვასახელო

სამშობლო რომ ვასახელო,  
რომ გავხდე კარგი ქართველი,  
რომ არ დავკარგო ანბანი,  
სწორად ვთქვა ჩემი სათქმელი,

მამა მთვარის და ღედა მზის,  
რომ არ ჩამიქრეს ნათელი,  
მტერს რომ არ დარჩეს მოედნად,  
მინდორი ჩემი სათელი,

რომ ვიცნო მტერი, მოყვარე,  
რომ გავარჩიო ავ-კარგი,  
რომ შევუნახო მომავალს  
ხალხის ნაჭედი, ნაქარგი,

რომ თქვან: — თავისი სამშობლოს  
არის ნამდვილი პირმშოო,  
ხუთებზე უნდა ვისწავლო,  
ხუთებზე უნდა ვიშრომო!

## თ ვ ლ ა

ერთჯერ ერთი — ერთი,  
ერთჯერ ერთი — ერთი,  
ბალახია მწვანე,  
თოვლი არის თეთრი.

ორჯერ ორი — ოთხი,  
ორჯერ ორი — ოთხი,  
კერას ასდის კვამლი,  
ჩაიდანს კი — ორთქლი.

ორჯერ სამი — ექვსი,  
ორჯერ სამი — ექვსი,  
აპრილში და მარტში  
დროა ხვნის და თესვის.

ორჯერ ოთხი — რვა,  
ორჯერ ოთხი — რვა,  
ლერწებს უნდა სხვლა,  
ნერგებს უნდა რგვა.

ორჯერ ხუთი — ათი,  
ორჯერ ხუთი — ათი,  
სოროში წევს ტურა,  
ბუნაგში წევს დათვი.

სამჯერ სამი — ცხრა,  
სამჯერ სამი — ცხრა,  
ზურმუხტია, ზურმუხტი  
საქართველოს ცა!

იხაროს მუხამ,  
 იყაროს  
 ვარდის და ვაზის რქა-ფესვმა,  
 იხაროს ყანამ შრიალამ,  
 პაპის ნარგავმა-ნათესმა.  
 ტყეში იმრავლოს გუგულმა,  
 იძახდეს „თესე-კაფესა“,  
 იხაროს მასწავლებელმა,  
 მოსწავლეს რომ ზრდის საქებსა,  
 დიდება,  
 მარად დიდება  
 კარგად ნაკეთებ საქმესა!

\* \* \*

✓

ნეტავი ჩემს დაიკოს  
 ბებო რატომ აქებს? —  
 არ მიყენებს ჩანთაში  
 პასტებსა და ფანქრებს.

ეს ჩემი გასაჭირი  
 აბა, როგორ არ ვთქვა?  
 ჩემი ჩანთით დაიკო  
 დადის ალთა-ბალთას.

დღეს ძალიან გამახარეს

დღეს ძალიან გამახარეს,  
 მკითხეს ოთხი გაკვეთილი,

ოთხი, ხუთი მოვიტანე,  
ოთხივ ცოდნით დაკრეფილი!..  
ხუთები ვინ დამიწერა?  
— ეს რუსულმა,  
ეს, ქართულმა,  
ეს, ფიზიკამ,  
ეს, ალგებრამ —  
ყველა ცერზე შემართულა!

თეთრ ცხენებზე სხედან თითქოს  
და დროშები უფრიალებთ,  
სამეგობროდ მოელთან  
კიდევ მრავალ ხუთიანებს!

ა... ა... რული, ა... ა... რული  
ორიანებს, კუდიანებს!

### ვინც ღელ-მამას ესმარება...

ზამთრისათვის ემზადება  
და ღიღინებს ციყვუნა:  
— ვინც მამას არ ეხმარება,  
ის შვილია ბრიყვუნა.

მამის ხმას რომ ყური მოკრეს,  
დაფაცურდნენ შვილები...  
ხიდან ხეზე გადაფრინდნენ  
პარაშუტგაშლილები...

თხილით, წაბლით, რკოთი, კაკლით  
ამოავსეს ფულურო...  
ხმელი ხავსიც მოიტანეს,

საბნად რომ დაიხურონ...  
რაც ფულუროს ხერელი ჰქონდა, —  
საიმედოდ დაგმანეს,  
ისე მორთეს, რომ ფულურო  
ლამის სახლს დაამგვანეს...  
რომ დაღამდა,  
დაღლილ მამას —  
თათუნები დაბანეს.

ახლა ციყვუნების სახლის  
კარი მღერის ჭრიალით:  
— ვინც დედ-მამას ეხმარება,  
ის შეილია ჭკვიანი.

## წიგნი მიყვარს

წიგნი სავსე  
გლახკაცებით,  
მეფეებით,  
ზღაპარ-მითით...  
ისე მიყვარს,  
ისე მიყვარს,  
არ ვილღები მისი კითხვით!  
გადაშლილი წიგნი თითქოს  
ფრთაგაშლილი მტრედი არი...  
მიყვარს წიგნი,  
მიყვარს წიგნი,  
ზღაპრის წიგნი ფრთებიანი.  
წიგნი სავსე ფრინველებით,  
წიგნი ლურჯი ტბებიანი,  
წიგნი სავსე ცხოველებით,  
წიგნი ნახატებიანი!

## ჩსიკვის დამალული თხილი

ზის ქერქის ქვეშ კროლა თხილი  
რომ დამალა ჩხიკემა,  
მოფრინდა და გრძელ ნისკარტით  
— ჩხიკ, ჩხიკ... ის ხე ჩხიკნა...  
ვერ იპოვა მაინც მისი  
დამალული თხილი,  
და ზის ჩხიკვი მოწყენილი  
ჩუმად თავდახრილი...  
— ჩხიკვის დამალული თხილი, —  
ბებომ უთხრა ვასოს:  
— უპოვნია,  
წაულია  
თავის სახლში თავგვსო.  
დამჯდარა და ამ ახალ წელს —  
გემრიელად ხრავსო.

ი ა ✓

წიგნში ია,  
ბაღში ია,  
ბუჩქში ია,  
გზაში ია!..  
რა ბევრია, —  
რა ხშირია —  
ყველგან ლურჯად გაშლილია!  
ვინც არ მოწყვეტს ლამაზ იას,  
მასთან ფუტკარს თაფლი მიაქვს.

## კ ნ ა წ ა კ ნ უ წ ი

კნაწაკნუწი,  
კნაწაკნუწი,  
ტყეში მელა დადის წუწკი;  
— მე მშიერი იმიტომ ვარ,  
რომ სოფელი არის ძუნწი!  
ასე როდი იყო უწინ?  
სულ მამდარი მქონდა კუჭი!  
ახლა, ხაფანგს ჩემს დასაჭერს,  
გამოაბეს ცხრა კაუჭი...  
აღბათ სოფელს ჩემი წილი  
ვარიების გაზრდა უჭირს.

## მანქანა ვარ იატაკის

...შემოვიდა მანქანა  
სახლში ბზრიალ-ბზრიალით:  
— უნდა დავაწყებინო  
თქვენს იატაკს პრიალი. —

თქვა და შრომას შეუდგა  
გუგუნით და გრიალით,  
პარკეტ-პარკეტ მიგორავს  
ბორბლადანის ტრიალით...

— გრუ... უ... გრუ... გრუ... პარკეტებს  
ვათეთრებ და ვასწორებ,  
ჯაგრისს, ცოცხებს, მტკერსასრუტს  
სუყველას თავს ვაწონებ...



## მოვიდა წელი ახალი

მოვიდა წელი ახალი,  
ძველ წელზე უფრო მაღალი?  
ნაძვის ხეს ბრჭყვიალ-ბრჭყვიალა  
ბურთებით გააქვს ღაღანი.  
ამშვენებს თოვლის ფოთლები,  
წაბლის, უნაბის მძივები,  
მზის ოქროსფერი სხივები  
და ვერცხლისფერი წვიმები?  
ასხია კანფეტები და  
წითელი კურკანტელები,  
ჩურჩხელა, ვაშლი, ატამი,  
სურო კუნწულა მტევნები.  
პატარებს საჩუქრების და  
ზღაპრების სკივრიც გაგვიხსნეს,  
ახალ წლის მოსვლას ვზეიმობთ  
ბაბუა, ჩვენ და ნაძვის ხე!

## ტ ყ ე

შრიალებს კედარი...  
შრიალებს წიფლნარი,  
ფიჭვნარი, სოჭნარი,  
ნაძვნარი, იფნარი,  
იელი, ურთხმელი,  
თხილნარი, წაბლნარი,  
თეთრი აკაცია  
რონინებს ნარნარით...

ქათქათებს დეკა და...  
კესანე ღაღანებს,  
პირიმზე ღიმილით  
ათენებს, აღამებს...  
საბრძანებელია  
ტყე მეფე ლომისა,  
ბუმბერაზ მუხის და  
დედოფალ თოვლისა!

## თ ხ უ პ ნ ი ე ბ ს

კალმით ჩხირკედლაობთ,  
სუფთად როგორ იქნებით?  
სულ მთლად დაგითხუპნიათ  
რვეულიც და წიგნებიც.  
შუბლზე,  
ცხვირზე,  
ჩანთაზეც  
მიგიცხიათ მელანი,  
ვინაც სუფთა არა ხართ,  
ცუდები ხართ ყველანი.  
არც წყრომით,  
არც აღერსით  
ჩვენი თხოვნა არ გესმით...  
ეგებ რამე შეიგნოთ,  
თხუპნიებო, ამ ლექსით.

## თაგვის საბანი

ლეღვის ხიდან ფოთოლი  
ჩამოეგდო ქარსო:  
გაუხარდა თავუნას —  
რა საბანი მაქვსო,  
დავწვები, დავიხურავ,  
დავიმალავ თავსო, —  
კატა ველარ იპოვის  
ჩემს გზასა და კვალსო.

## ს უ რ ა მ ე ლ ა

სურამელა,  
სურამელა,  
კამკამაა სურამელა...  
ჩვენს სახლს გვერდით ჩამოუდის,  
შიგ თევზივით ვცურავ ნელა.

## გია და ბლის ხე

მწიფს, მწიფს, მწიფს, მწიფს  
რა ბალი...  
მწიფს, მწიფს, მწიფს, მწიფს  
რა ბალი...  
— ჩემო ბებო, ის ბლის ხე  
ნეტავ იყოს დაბალი...  
— ხა, ხა, ხა, ხა, — ბლის ხიდან  
ხმა მოისმის შრიალა.  
— მე, ბლის ხე ვარ, მაღალი,  
მარწყვის ბუჩქი კი არა?

რაღა გინდა სოფელში,  
ან ბლის ხის ქვეშ, ბიძია...  
ამხელა ბიჭს თუ ხეზე  
ასვლა არ შეგიძლია.

## მარწყვი გემრიელია

დელი-დელა-დელია,  
დელი-დელა-დელია,  
მარწყვი გემრიელია,  
ბალი გემრიელია,  
შავ თუთაზე ხტუნია,  
მუდამ მოთხუპნულია.

## შვილო, უენი მორთმეული...

სარვამართოდ იებს კრეფენ  
ტყეში ზღარბი და ბაჭია.  
ენძელას კრეფს,  
უსაქმურად  
არც ლამაზი კაჭკაჭია!  
— დედა, რვა მარტს მოგილოცავთ.  
— დედა, აი, ია-ია...  
— გმადლობთ, შვილო!—დედა ზღარბმა  
ია გულთან მიიბნია. —  
მხრებზე ხელი შემოხვია:  
— გინდ არც იყოს, შვილო, ია...  
შენი შრომით მორთმეული  
ფოთოლიც კი მიხარია!

## სამშობლოს – საქართველოს!

მე  
მიყვარს  
ჩემი სამშობლო,  
მაღალი,  
მზემდე მაღალი!  
შემოსეულ მტერს მრავალჯერ  
დააყრევინა ფარ-ხმალი!

ჯაჭვით ასწია ზარები,  
გველეშაპს ჩასცა ლახვარი!  
აბრძოლებს ჩემს საქართველოს  
ხმალი ერეკლეს ნახმარი!  
ადიდებს ჩემს საქართველოს  
გმირობა მრავალ-ახალი!  
ატირებს ჩემს საქართველოს  
აქა-იქ ნავენახარი!  
ამღერებს ჩემს საქართველოს  
დამძობილება სხვა მსარის!

ახარებს ჩემს საქართველოს  
ახდენა კარგი ზღაპარის!  
ანათებს ჩემს საქართველოს  
ჩაუქრობელი ლამპარი!  
ამაღლებს ჩემს საქართველოს  
ნინო,  
დავითი,  
თამარი,  
შოთა,  
ფარნავაზ,  
მირიან,

კრწანის-მეტეხის თავანი!..  
არა და...  
არ დაეცლება  
ქართველ კაცს შიოს მარანი!  
უკვდაეყოფს ჩემს საქართველოს  
მრავალი შვილი, მრავალი!..  
გავიზრდებით და...  
ვიქნებით  
ჩვენც გმირთა შთამომავალი!  
ჩვენც მისთვის ვათენ-ვალამებთ  
— „ურმულით“, „ვარი-არალით“,  
სამშობლო — საქართველოა  
ჩვენი მზე ამომავალი!

## არაფერა-ბარაქელა!

ატრაბასდა გელა ბიჭი,  
რომ მიუჯდა გამთბარ კერას:  
— ხვალ ბევრ შეშას მეც დაეჩეხავ,  
შემოვიტან ღერა-ღერა!  
ხვალ დაებარავ, ხვალ გავთოხნი,  
ხვალ გაერეცხავ, ხვალ გავკერავ,  
ხუთიანებს ხვალ მოვიტან,  
ხვალ ვისწავლი კარგ სიმღერას.  
— ყველაფერს ხვალ როგორ შეძლებ?  
სწავლას,  
შრომას,  
რბენას,  
ფრენას?  
არ ვარგია ტრაბახი და

ბაქიობა, ჩემო გელა!  
ბრძენი ამბობს: — ბაქი-ბუქა  
კაცის ჭკუის გასაფერად:  
— კაცი, კვეხნით ბარაქელა,  
საქმით არის არაფერა!

## აბურღია, ჩაბურღია ✓

ჩვენი გოჭი ზარმაცია:  
აბურღია,  
ჩაბურღია...  
იქით ვედრო გააგორა,  
ტაშტი როფში ჩაუგღია.

თივა,  
ჩალა,  
ჩველაფერი  
სულ ფეხებქვეშ გაუგია.

სადა წევს და რაში გორავს,  
ვერაფერი გაუგია.  
თავის სახლი ზარმაცელას  
არასოდეს დაუგვია.

— ამ ღორს კარგი სახლი აქვს.ა, —  
ამბობს ჩემი ბაბუღია, —  
ვუყურებთ და ვერა ვხვდებით,  
ტახტი არის,  
თუ ბუღია?

შიგ უყრია ნაჭუჭები,  
თხილი, წაბლი, ნაქურჩელი!  
— ღრუტ —  
— ღრუტ —  
ღორმა, —  
— ამ ქონებას  
ერთი წელი ვაქუჩებდი!  
ამ ბურღში მაქვს ჩამალული  
ეს ღრუნჩიც  
და ფაჩუჩებიც.

ვკენესი, ვიდრე არ გავთბები,  
გავთბები და გავყურდები!  
ნუ მეძახით, პატარებო,  
აბურღია,  
ჩაბურღიას,  
აბა რა ვქნა, მეც თქვენსავით  
ბებიები არ მფუთნიან. —

ეცინება მზიას: ბიჭო,  
მაგის ბებო ცხრა ფუთია!

## ღია-ღუა

ღია-ღუა, ღია-ღუა  
ხეს ვაშორებ ჭიაღუას,  
ბელურა ვარ, ბადის ჩიტი,  
ჩემი სახლი წიფლის ღრუა...  
შიგ ბარტყები ჭიკჭიკებენ,  
ჩემი ბუდე განა ყრუა?



ასი ბუზი დავიჭირე —  
ყანის თავში დიდი რუა...  
ღია-ღუა, ღია-ღუა,  
ჩემი სახლი წიფლის ღრუა...  
ხეჩიტასაც მეძახიან  
ღუ ბუჩქი და სოკო ღუა...  
ღია-ღუა, ღია-ღუა,  
ხეს ვაშორებ ჭიაღუას...

## ლილი და სავარცხელი ✓

დიდი, დიდი საყვედური  
უნდა ვითხრა, სავარცხელო:  
კი არ მვარცხნი, თმას მაწიწკნი,  
სულ მატირებ და მარცხვენო.  
სავარცხელი გაუჯავრდა:  
— ნუ ხარ მუდამ დაღრუბლული,  
ყოველდღე რომ არ ივარცხნი,  
თმაც მიტომ გაქვს დაბურდული.  
რატომა გაქვს ბირკა თმებში,  
არის მართლაც გასაკვირი,  
მაგ აბურდულ თმების ვარცხნამ  
ჩამიმტვრია სამი კბილი!

— უი, მართლა ჩაგიმტვრიე? —  
და სავარცხელს სინჯავს ლილი.  
— ძლიერ მინდა, სავარცხელო,  
რომ ჩაგისვა ყველა კბილი!

## ბიჭი და სბო

ჩვენს ეზოში ხასხასა  
კონდარი ბიბინებს...  
მე და ბუსკამ ვიგორეთ,  
შიგ მთელი დღე ვირბინეთ.

არც ფეხს გვტკენდა,  
არც გვერდებს  
ბალახების სირბილე,  
არ გვაკლებდა მთელი დღე  
კაკლის ჩრდილი სიგრილეს.

დაღლილები საღამოს,  
აგანგალა-განგალა...  
ბუსკა დედამ გალოკა,  
მე დედიკომ დამბანა...  
ახლა თვალს არ ვაშორებ  
ვარსკვლავების წვრილ მძივებს,  
ბუსკა ხის ქვეშ დედასთან,  
მე ლოგინში ვიძინებ.

## ჩემი უვილიუვილები...

ჩემმა შვილიშვილმა — მედეამ,  
ჩემმა შვილიშვილმა — ლიდიამ,  
ვარდები მომართვეს ედემის  
და ახლა იებზე მიდიან...

— არა!

ნუ წახვალთ, პაწიებო,

ტყეში

ტურებია,

მგლებია...

...ვიდრე არ გახდებით არწივები,

მგლების გეშინოდეთ, ბებია!!!

**წუწკი კატა** ✓

ბებოს თევზი შეუსანსლა,

თევზი მიტომ არ არისო!

ბებოს ყველი შეუსანსლა,

ყველი მიტომ არ არისო!

ბებოს ძეხვი შეუსანსლა,

ძეხვიც მიტომ არ არისო...

გამაძლარი წუწკი ფისო

ნეტავ ახლა სად არისო?!

ალბათ სხვენზე იმალება,

არ გვინახავს არავისო!

თუ ვიპოვეთ, დავიჭიროთ,

ღირსი არის სარდაფისო.

**ციცქნა ღრუნჩას ყველაფერი!**

ნაჯიხოუს უღრან ტყეში

ხე რომ მოჩანს დიდი წიფლის,

მის ქვეშ ბელი დაიბადა,

რა ბელია! იფ, იფ, იფ, იფ!

შავი, შავი თვალები აქვს,  
თეთრზე თეთრი ოთხივ თათი,  
აქებს ბებო დათვი — ბოცო  
და ბაბუა — დრუნჩა დათვი:

— ამისთანა შვილიშვილი  
ნეტა გვყავდეს ბარე ათი!  
ყოჩაღად გვყავს ციცქნა ბელი,  
კარგადა გვყავს დედა დათვი!

დელი-დელი, დელი-დელი,  
ჰა, მოვიდა მამაც ბელის!  
კანფეტებიც,  
შოკოლადიც,  
მოუტანა შინდიც ბევრი!..  
მოუტანა წინდაც ჭრელი,  
მოუტანა ჭრელი ბურთიც!  
ახტა ბურთი: — ჰერი, ჰერი,  
რაც კარგი და ლამაზია,  
რაც კარგი და მშვენიერი,  
რაც ტკბილი და გემრიელი:  
თხილი,  
წაბლი,  
ჰანტა, მოცვი  
ციცქნა დრუნჩას ყველაფერი! —

ეს რომ ციყვმა გაიგონა,  
განზე გადგა თვალებსველი...  
— მე იმდენი მაინც მარგეთ,  
რომ წავიღო სახლში ხელით!

## გეკათიქებით სოფელში

მზე დაგვეურებს მალლა ციდან  
ცხრათვალა და ალისფერი,  
ნაკადული, ტყე და წყარო  
ჩემს სოფელში არის ბევრი.

ჭრელაჭრულა ყვავილებით  
სავსე არის ტყე და კორდი,  
თეთრი ია,  
ლურჯი ია,  
ღელე-ღელე ბევრი მოდის...

ლამაზად და კოხტად მოჩანს  
სოფლის გზაზე ხეთა მწყობრი,  
ჩემი სოფლის ტყე სავსეა  
ჩიტით, გვრიტით, ქორით, ორბით.

გავთოხნეთ და გაიზარდა,  
გაუმაგრდა სიმინდს ძირი,  
სამწყემსურში ქოხიც დავდგით,  
გადავხურეთ ნედლი გვიმრით.

შენ გვესტუმრე ოღონდ, გია,  
არ მოგაწყენთ მასპინძლობით,  
ერთი-ორი თვით კი არა,  
სულაც დარჩი ჩვენთან წლობით.

## აზა და მისი ყვავილები

ბაღში გრილი ნიაგია  
დაფოფინებს სიო ნელი.

ჩურჩულებენ ყვავილები:

- დაილოცოს აზას ხელი.
- მე გამკრიჭა!
- მე გადამრგო!
- მე ამაჭრა ლერწი ხმელი!
- მე გვალვაში წყალი მასვა! —  
აზა არის ჩემი მხსნელი!
- მე კოკრები გამისწორა!
- მე ამაკრა მესერს წნელით!
- ჩემი თესლი შეინახა,  
რომ მოვიდე გაისადაც...
- ჩემი ტოტი გადაწინდა,  
ერთი ძირი გამისამდა!
- ირგვლივ მიწა მოგვითოხნა,  
მოგვაშორა ბალახები,  
გავიფურჩქნეთ ვარდები და  
გავიშალეთ ზამბახები!..
- უშურველად ახლა ჩვენს თავს  
ვის არ უძღვნის,  
ვის არ ატანს?..
- ბრძოლის გმირებს,  
შრომის გმირებს,  
კომპოზიტორს,  
პოეტს,  
მხატვარს!..
- სიხარულით ჩვენი თავი  
ყველას, ყველას უთავაზა  
და თვითონაც უდგას სახლში  
ყვავილებით სავსე ვაზა.

## ჩემს საქართველოს ვუმღერო

მე  
ჩემს  
სამშობლოს ვუმღერი,  
ლამაზს, მთვარიანს, მზიანსა!  
წითელ-ყვითელი სხივების  
ცისარტყელებად ბრიალსა!  
ვუმღერ მუხნარს და თელიანს,  
იფნარს, დაფნარს და ბზიანსა!  
ფშავ-ხევსურეთის ჭიუხებს  
და თუშეთს ახალგზიანსა!  
სვანურ კოშკებს და მწვერვალებს —  
თეთრი ჯიხვების ზიარსა!  
ვუმღერ ჩემს ლამაზ მთას და ბარს  
ყანებიანს და ზვრიანსა!  
ტყეებს ცივწყაროებიანს,  
კოლხეთს ლურჯთვალა მზიანსა!  
ლიახვს — დიდგორზე მომღერალს  
და კახეთს ალაზნიანსა!  
ვუმღერი ბულბულებით და  
ირმებით სავსე ტყიანსა!  
სამურზაყანოს, ენგურჰესს,  
ჯვარზენს — ენგურის ზღვიანსა!  
ძველი ჰესების მაღალ ძმას —  
სინათლის ახალ ფრთიანსა!  
ვუმღერი კაშკაშს ვარსკვლავთა,  
ცისფერ ნისლების ფრთხიალსა!  
მთაწმინდის,  
მცხეთის,

არმაზის  
და საგურამოს ნიავესა!  
პატარძეულის ზამბახებს,  
თეთრი ზედაზნის იასა!  
ყვარელის მთების სუროებს,  
წინანდლის ვარდს და სვიასა!  
მარტვილს,  
გრემს,  
გელათს,  
მცხეთის ჯვარს,  
სხვიტორს და ყინწვისს მზიანსა.  
ჩემს დედა თბილისს ვუმღერი  
დედა ხოხობის ხმიანსა!

## ვერ წამოვალ ქალაქში

ათასფერა ყვავილს ვნახავ,  
ხბოც გამართობს თამაშით.  
ეს კვახებიც ბურთებივით  
გორაობენ ყანაში.  
ყველაფერი ეზოში მაქვს:  
ვაშლი,  
მსხალი,  
ატამი.  
კვერცხს რომ დადებს, კაკანით  
მაგებინებს ქათამი!

გოჭიცა მყავს, თხა-ბეკეკაც,  
კვიციცა და ბოჩოლაც,  
წყარო?



წყაროც ზედა ეზოს  
 გვერდით მოხტის,  
 მოჩქროლავს!  
 ზოოპარკი მე ტყეში მაქვს,  
 ბაჭიები დახტიან,  
 დათუნიას მორზე სძინავს —  
 მორი მისი ტახტია!  
 დაცუნცულებს, ჩვენს ტყეებში  
 მელაკუდა მელია,  
 კუდის წვერი უნდა წავჭრა,  
 რადგან ცოტა გრძელი აქვს.  
 ირმებიც გვყავს, შვლებიცა გვყავს,  
 გვყავს ნუკრიც და გვყავს ბელიც...  
 გუშინ მაჩვი დავიჭირეთ,  
 გამოვაბით საბელი.  
 ჰოდა, ვიღას შეგაჯიბროთ,  
 ჩემო ქალაქელებო?..  
 მე ქალაქში ვერ წამოვალ,  
 თქვენ კი... როგორც გენებოთ...  
 იქ სოფელი თუ არა გაქვთ,  
 ჩემს სოფელში მოგელით...  
 მე, ბატონო, ორივ აქ მაქვს  
 ქალაქიც და სოფელიც!

## ბიჭვინთის ავტობიოგრაფიული

ბიჭვინთის ტყე შრიალა,  
 ბიჭვინთის ცა კრიალა,  
 ბიჭვინთის ზღვა კამკამა,  
 ბიჭვინთის მზე ბრიალა.

– უჰ, რამხელა სახლები,  
ნაძვები და ფიჭვები...  
ნაძვებზე და ფიჭვებზე  
უჰ, რამდენი გირჩები...  
„ავტომატარებელით“  
დავსრიალებთ ბიჭები.

ყოველ გაჩერებასთან  
ძია მძლოლის ხმა ისმის:  
– გაჩერება – „კოლხეთი“  
„ბზიფი“,  
„ოქროს საწმისი“,  
„ივერია“,  
„ათონი“  
და იღება კარები:  
ამოდიან,  
ჩადიან  
უბილეთო მგზავრები...  
ძია მძლოლი ზემოდან  
სიყვარულით დაგვეყურებს:  
– დავატარებ უფასოდ  
თქვენისთანა კარვ სტუმრებს.

## ა ც ხ ა - ბ ა ც ხ ა

ა ც ხ ა - ბ ა ც ხ ა,  
ა ც ხ ა - ბ ა ც ხ ა,  
ა ც ხ ა - ბ ა ც ხ ა,  
ბ ა ც ხ ა ...  
ი ც ი თ ? ი ც ი თ ?  
ლიდას კუდგრძელ

კატას სძინავს სადღაც.  
მივეპაროთ,  
დავიჭიროთ,  
დავუნგრიოთ ფაცხა...  
— გაგვიგებენ,  
მაგ თევზის ქურდს  
ჰყავს ძაღლების დაცვა.

## ერთგული მებობარი

ცხელზე ცხელი სხივები  
დამაცხუნა ზაფხულმა,  
დიდი ფარფლებიანი  
თეთრი ქუდი მახურავს,  
ზღვაში როცა შევდივარ,  
ქუდს დარაჯობს ბახულა.

## მ ე ბ ა დ უ რ ი

ობობამ ბადე მოქსოვა,  
ბოსტნის ღობეზე გაფინა.  
კოლო გაება,  
ბაჭიას  
საკბენად ველარ გაფრინდა.

## წელს შავ ზღვაზე ვისვენებდით

მე და მამა,  
მე და დედა  
წელს შავ ზღვაზე ვისვენებდით,

მაღალ გემებს,  
თეთრ-თეთრ გემებს  
წინ ვუსწრებდით გლისერებით...  
რას მიჰქროდა —  
ბიჭოს!  
ბიჭოს!  
მიაპობდა ტალღებს მკერდით,  
ჩვენს კაპიტანს გერბი ჰქონდა  
მონატული ოქრომკედით...  
როგორც კარგი თანაშემწე,  
მეც ვიჯექი იმის გვერდით.

## მე და ტალღა

ნელა, ნელა, მთებად  
მიდი-მოდის ტალღა,  
ჩამაქანა დაბლა,  
ამაქანა მაღლა.  
ავყევი და ჩავყევი,  
არ მიგრძნია დაღლა.  
— როგორ გათამამდი  
გუშინდელი ღლაპი! —  
ჩამაყლაპა წყალი  
ერთი-ორი ყლაპი...  
შემეშინდა, მერე  
მოვაშურე ნაპირს.  
ახლა ბრაზით ტალღა  
რიყეს ახლის თავ-პირს.

## ღაღადღობის უმთავრო ღამეში

ღაღადღობა უთხრა თავის ბელებს:  
მოვერცხლილი მთვარე  
უკვე ზღვაში ჩავიდა და...  
შინ მოდითო მალე.

მოდით, სორო გავანათოთ,  
სომ ხედავთ, რომ ბნელა,  
თითო მკლავი ჩალის ღერი  
მოიტანეთ ყველამ.

მოიტანეს ჩალაბულა...  
იწვის, როგორც კვარი...  
შემოუსხდნენ მაღალ კოცონს,  
რას დააკლებს ქარი!

— ზღვაში მთვარე რად ჩავიდა? —  
უკვირთ დათვის ბელებს.  
— ტანს დაიბანს,  
თევზს დაიჭერს  
და ამოვა მერე.

## ღეღა ჭიანჭველა

მარწყვს ახურავს ტოტი გვიმრის,  
ნაკადული თავქვე მიდის,  
ჩიტს ბალახის ხმელი ღერო  
მიაქვს ცაში, როგორც მორი...  
ჭიანჭველა გმირთა-გმირი  
სახლში მიდის

სავსე ტომრით.

— რა უწყვია ტომარაში?

— ნამცეცები

მჭადის,

პურის,

შაქრის ფხენილი,

კოწახური...

შემწვარი და მოხრაკული...

ატმის გული,

ნუშის გული...

აი, დედა ჭიანჭველა

თავის შვილებს როგორ უვლის!

— კარგი დედა ის არისო, —

მიაშვირა ყველამ თითი, —

შვილებიც მის შვილებს ქვია, —

ჩამოართვეს დედას ტვირთი.

## სოფელ ხუნფში

ხუნწს დაჰყურებს დიდი მთები

ობოდირი,

ტაბაკელა...

გორაკები ფეხმორთხმული

მოლზე სხედან დაბლა ყველა.

ხევს მოჰყვება ცხენისწყალი,

მოაცილებს დიდი მთები,

ნაპირ-ნაპირ ჩაუშლიათ

ჩანჩქერს — წვერი,

ტირიფს — თმები.

„ნაჯიხოუს“ იელების

რა ბრიალა შუქი ელავს,  
თათქოს წყალს სვამს, ჭაში თავს  
ჩაუყვია ცისარტყელას,  
იქით ჩაის პლანტაცია,  
აქით ლურჯი ყანა დელავს.  
სტკვენს მთელი დღე  
შავ თუთაზე  
ჩიტი ენაჭიკჭიკელა...  
რა ლამაზი ოფოფია,  
არ დააფრთხო, ბიჭო, ნელა...  
ბოჩოლები,  
ბეკეკები  
გაფანტულან მინდორ-ველად.  
მწიფე ნაყოფს ყველა ტოტი  
გზაში გამვლელს უწვდის ყუნწით,  
აი, ასე მდიდარი და  
გულუხვია ჩემი ხუნწი.

## ქ ი ა მ ა ი ა

ყვითელკაბა ჰეპელა  
შეხვდა ჭიამაიას;  
ჰკითხა:  
— ხომ არ იწვიმებს,  
მითხარ, ჩემო დაია...  
— თუმც ამინდის ცნობათა  
ბიუროში არ ვზივარ,  
გაზონებში,  
სკვერებში,  
ყვავილებში გავზრდილვარ,

მაგრამ ხვადის ამინდზე  
მუდამ ჩემი აზრი მაქვს...  
— არ იწვიძებს, რთივსაც,  
წითელ კაბით დაგზინავ...

## დათვი გიგოს ყანაში

დათვა გიგოს ყანაში  
ასი ტარო გაფურჩნა,  
გაჯუჯგნა და დაყარა  
ცარიელი ნაქურჩა.  
გამოდლა და ბურღუნებს:  
— მე ტარო და თავგს ფურჩნა,  
ჩალა — ძროხას,  
ღრუტუნას —  
ცარიელი ნაქურჩა...  
...გიგოსთვის კი დათუნას  
ერთიც აღარ გაღურჩა.

## ალიცანცალი, მალიცანცალი

ალიცანცალი,  
მალიცანცალი,  
კაკლის ქვეშ ყვავი  
დადის ცანცალით...  
ძირს ჩამოყრილი  
კროლა რაც არი —  
არის ცხრა ცალი...  
შვილებს შეხვდებათ  
ზუსტად სამ-სამი, —



შემოხვდებიან  
ფრთების სავსავით,  
ელის ყვანჩალას  
სამი ყრანტალა,  
ენატანტალა,  
ყველა შავტანა...

## ზ ა რ მ ა ც ი

მთიდან წყარო მორაკრაკებს,  
კიდევ უფრო რეცხავს თეთრ ქვას,  
ბუჩქში შავი შაშივი გალობს,  
ხიდან მესმის კვირტის ფეთქვა,  
ზარმაც გოგოს კი არ ჰგვანან, —  
დღეს რომ ერთი ლექსიც ვერ თქვა.

## საყურეებიანი კატა

ერთი მე,  
ერთი შენ,  
ერთი მზიას,  
ერთი გიას,  
ორი მე,  
ორი შენ,  
ორი მზიას,  
ორი გიას...  
გაიყვეს და  
მწიფე ბალი  
შინისაკენ

ყველას მიაქვს...

- მიავ,  
მიავ,  
მიავ,  
მიავ,  
დაიკნავლა ფისომ გვიან.  
ამნაირი მეგობრობა  
მე არსად არ გამიგია.  
...და ბავშვებმა ფისუნასაც  
ჩამოჰკიდეს კუნწულები.  
— კატას საყურეები აქვს, —  
იცინიან წრუწუნები.

## მე და ჩემი ნამგალი

იცო, რა ნამგალია?  
საოცარი მჭრელია,  
ასე მარჯვე ნამგალი  
ჯერ ხელში არ მჭერიან...

...ვთიბავთ, ვთიბავთ ბალახებს,  
მე და ჩემი ნამგალი...  
კვლავ ამოდის და სულ გვაქვს  
სათიბი და სამკალი.

## რაც სოფელში ჩაკვდი

გალვიძებას ვერ მასწრებს,  
ვერც ჩიტი, ვერც მამალი,  
ვერც კიკინა თიკანი,  
ვერც ნიავი ფრთამალი.

რაც სოფელში ჩავედი,  
ვცხოვრობ სულ სხვა ცხოვრებით:  
ხან მწყემსი ვარ ღორების,  
ხან მწყემსი ვარ ხბორების...

ვატკაცუნებ ხელთოფას,  
შევაჯერე გორები,  
ვერ სტაცებენ ბებიას  
ჭრელ ვარიებს ქორები!

### ფისო მთვარეზე

მთვარეზე რომ გადმოსვეს,  
ფისუნია განრისხდა:  
— აქ რა გამაძლებინებს,  
სუნი არ მცემს თავვისა. —

დაჰკრა თათი რაკეტას და...  
გადიგრიხა ულვაში:  
— გასწი! თავვი ამომიყვა,  
იქ ზის, ბებოს ხულაში.

### ქაფის ბოგო

მაბანავებს ბებია.  
— უჰ, რა თბილი წყალია...  
ლამის ერთი საპონი  
სულ მე გადამალია...  
თურმე საპნის ქაფშიც  
კარგი დასამალია...

ქაფში მეძებს ბებია:  
— გოგო ამქაფებია,  
ქაფის გოგო,  
სად ხარო?  
მაინც მნახა ბებია.

## პატარა მწველავი

მარილს ვაჭმევ ჩემს ფუჯიას,  
ჯიქანქვეშ სათლს დაუდგამ...  
ჩხრ... ჩხრ... ჩხრ... რძე ჩაიმღერებს,  
ძროხის წველას რა უნდა?

ძროხის წველას რა უნდა,  
ზარმაცს თვალი დაუდგა...  
დამდგარა და მიყურებს  
პირაღია ალუდა.  
რძეს მივართმევ, არ უნდა?

## დედა ჩიტის სიმღერა

ჰა, თუთა და ჰა, ბალი!  
მალე მოვა მაყვალი:  
მარწყვს და თუთას მოყვება  
ბალში ხილი მრავალი...

მერე სურო-კუნელით  
აივსება მთა-ბარი...  
მერე შრომა, შვილებო,  
დღეს ეს არის მთავარი!

## საახალწლო ზეიმი

საახალწლო ზეიმი  
გაუმართავთ თავუნებს:  
ზოგი უკრავს გიტარას,  
ზოგიც დოლს უბაგუნებს..

დედა თავეი ტაბაკით  
თაფლის კვერებს არიგებს,  
მათი ცეკვა-სიმღერა,  
ფისუნებმაც გაიგეს.

ეწვივნენ და შესძახეს:  
— ჩქარა კარი გაგვიღეთ,  
თორემ, რაც მოგიტანეთ,  
ისევ უკან წავიღებთ.

მამა თავემა გასძახა:  
— შეკვლედ აღარ გვინდიხართ,  
კარებს როგორ გაგიღებთ,  
კარგად ვიცით, ვინც გდიხართ,  
არ გრცხვენიათ? ახალ წელს  
სხვასთან სამტროდ მიდიხართ!

## ს უ რ ო ბ ა ლ ა

როგორ ბარდნის,  
როგორ ცვივა,  
ფთილა-ფთილა ფიფქები,  
ჩემი გედისყელა ციგით,  
გზას სრიალით მივყვები.

— ჩუ, ჩუ... შაშვის ჭახჭახია  
სუროიან თხმელაზე,  
ეს თხმელის ხე ამ სოფელში  
მაღალია ყველაზე. .

შიგ ჩიტები შეყუყულან,  
სტვენა და ფრთხიალია,  
კენკენ მწიფე სურობელას —  
სურო — ჩიტის ბალია.

ზაფხულობით ჩვენს ბაღს ჭამენ,  
თეთრ ბაღს, შავ ბაღს, ალუბაღს...  
— ჩიტს ზამთარშიც უმწიფს ბალი? —  
უკვირს ციცქნა ალუდას. —

— სურობაღას როგორ შევჭამ?  
სურო ჩიტის ბალია,  
თოვლში რომ მწიფს, ალბათ მიტომ  
არის მწარე ძალიან...  
რომც დაშაქრდეს, სურობაღა  
ჩიტებს არ გაეყოფათ...  
ბავშვებმა რომ შეუჭამონ,  
მათ ხომ აღარ ეყოფათ.

## ავისრულე ნატვრასა

მღერის ფისო პატარა,  
ფისო ბრჭყალებბასარა:

– წაბლი,

თხილი,

კაკალი

ფისოს მაქვს და თაგვს არა!

თაგუნია, გამოდი,

გაჭმევ თხილს და კაკალსა. –

აწრიპინდა თაგუნა

წუწუნა და კაპასა:

– თაგვი წინ დაგისკუპდე,

შენ კი გინდა კატასა!

მიჯობს, ვიჯდე მშიერი,

შენს ბრჭყალებში კანკალსა,

მაგრამ თუ ჩაგეძინა,

ავისრულე ნატვრასა:

თითო-თითოდ აგაცლი

თხილს, წაბლსა და კაკალსა...

კუდზე ეჟვანს შეგაბამ

და ულვაშსაც წაგპარსავ.

## ლიდა და ლურჯი ია

აი ია, აი ია,  
ამოსულა ლურჯი ია...  
იას მისებრ ლურჯბაბთება  
ციცქნა გოგო მიჰპარვია...

ამოხედა იამ გოგოს  
და ბაბთები შეარხია:  
— მე ია ვარ, ლურჯი ია,  
ციცქნა გოგოვ, შენ რა გქვია?

— მე ლიდა ვარ, ჩემო ია!  
თუმცა მარტი გასაფხულობს,  
მანც ცივა და მსურს, თავსე  
თბილი ქუდი დაგახურო!

იამ ლიდას მოტანილი  
დაიხურა ქუდი ფოთლის...  
შეციდან კი თითქოს ცრისო,  
თოვლი, მოდის, თოვლი მოდის...

## რა კარბია!

ამოვედი ღობის ძირას  
ხასხასელა ბალახი,  
გავიხარე  
კაცის,  
ჩიტის,  
ცის და სოფლის დანასვით.



მიხარია, რომ გავცოცხლდი  
და სიცივით არ გავხში,  
მიხარია, რომ მახურავს  
ტყემლის თეთრი ფაფახი.  
მიხარია, არემარე  
ათასფერად ნაქარგი,  
ამ ქვეყანას მეც რომ ვამკობ,  
რა კარგია,  
რა კარგი!

მშენს თქვენს ყყვანასთან,  
გაგვივინო!





## მეკითხება მედეა ✓

მეკითხება მედეა:

- ეს რა ჩიტის ბუდეა?
- ეს ბულბულის ბუდეა –  
საქართველოს ბულბულის,  
მოქსოვილი ასკილზე  
თივითა და ბუმბულით!

ბულბული კი, პატარავ,  
ის ლამაზი ჩიტია,  
სიყვარული ქართველთა  
გულში რომ ჩაიტია!..  
მთელი ღამე წუხელის  
გალობით რომ გითია?

## ჩვენი ვენტილატორი

აი, მე და ლილია  
დავრჩით სახლში მარტონი  
და დღეს მთელი ოჯახის  
ჩვენ ვართ ბატონ-პატრონი.

რომ ჩამოცხა, ოთახში  
ჩავრთეთ ვენტილატორი,  
თვითონ კონდიციონერს  
არ დაუდო მან ტოლი.  
ფრთები დააფათქუნა,  
სიცხეს დაჰკრა ცხრა ტორი:  
— ვისაც შენ შეეყრები,  
სულთამხუთავს გადარებს...  
გასწი, ჩქარა, აქედან,  
ნუ მისიცხავ პატარებს!  
სიცხემ ჩაიხითხითა:  
— რით ან ვისით დიდგულობ?  
შე კედელზე მიბმულო,  
დაბმული ხარ, დაბმული,  
როგორ უნდა იბრუნო?  
ჰოდა... ვენტილატორმა  
აქ იხმარა სხვა ფანდი,  
ქარი დაატრიალა  
არნახული აქამდი.  
იტრიალა, იბრუნა  
სიმღერით და ლაღადით,  
დააყენა ყირაზე  
გაზეთი და ქაღალდი.  
...გაქრა სიცხე და სახლი  
მართლა ისე გაგრილდა,  
რომ პატარებს ეზოში  
ჩასვლა სულაც არ გვინდა...

## ეს გუბე მარტო ჩვენია!

თორმეტი შვილის დედა ვარ,  
თორმეტი ვაჟკაც-ლომგულის...  
ძროხა ხომ არა გგონივართ,  
ერთ კიკინა ხბოს რომ უვლის.  
— ღრუტ, ღრუტ, —  
ჩვენს მოდგმას ოდითგან  
შვილთა სიმრავლე სჩვევია...  
ბოჩოლა არ ჩამოვიდეს,  
ეს გუბე მარტო ჩვენია!

## მერცხლების სიმღერა

მწკრივად ვსხედვართ ანძებზე,  
ერთმანეთის მხარდამხარ;  
კაპიტანი გულდინჯად  
ამოგვხედავს ხანდახან...

დღე და ღამე ანძებზე  
ჯდომა არ გვეზარება,  
შევსევივართ მაღალ გემს  
უბილეთო მგზავრებად.

არსაით ჩანს ხმელეთი,  
ირგვლივ ზღვაა ტრიალი...  
ეხმარება თეთრ აფრებს  
ჩვენი ფრთების შრიალიც

ინდოეთში მივდივართ,  
ზამთრის გასატარებლად,

თორემ თქვენი ფისუნა  
თათსაც არ გვაკარებდა.

არ იტირო, მედეა,  
ჩვენს გემს ღელვა ვერ მოშლის,  
ძალე ჩამოვფრინდებით  
ჩვენს თბილ საქართველოში.

**მზეს თქვენ უყვარსართ, ბავშვებო!**

მზესა აქვს სხივი იმდენი,  
რამდენიც ბავშვია ქვეყნად!  
თითო ბავშვს თითო სხივს უგზავნის  
თითო ერს — თითო შეკვრას!  
და თითო სხივი ზეციდან  
ოქროს ზარივით რეკავს!  
მზე კვალში მიყვებ-მოყვება  
გუთანს, ხარსა და ერქვანს.  
მზეს თქვენ უყვარხართ, ბავშვებო,  
ცაში გიფანტავთ ღრუბლებს  
და სათამაშოდ გასულებს  
გიშრობთ ტალახს და გუბებს!  
მზე პურს გიმწიფებთ, ბავშვებო,  
ალუბალს, ვაშლს და ყურძენს,  
მზე თხილს და წაბლს აოქროვებს,  
ვარდებს უფურჩქნის ფურცლებს;  
რომ შესცივდება ენძელას,  
მზე გამოჩნდება უცებ!  
მზე ყინულს აღლობს,  
თოვლს აღნობს,

მზეს ირმის გული უცემს!..  
მზე თქვენს მშვიდობას დარაჯობს,  
ორბის თვალებით გმწყემსავთ,  
ბეჯითი,  
გამრჯე ბავშვები  
მზემ ვარსკვლავებზე შესვა!  
მზე სხივებს სწორად გტყორცნით და  
თქვენც არ იართო მრუდად,  
მზეს თვალმზიანი დღეები,  
ბავშვებო, თქვენთვის უნდა!  
ოქროს ნისკარტზე ჰკიდია  
მზეს ზღაპრით სავსე გუდა!  
მზე გულში იკრავს თქვენს ხუთებს,  
ორიანებს სწყვეტს კულებს,  
მზით, თქვენი სიცილ-კისკისით  
სავსეა ჩიტის ბუდეც!  
თითო ბავშვს თითო სხივს უგზავნის,  
თითო ერს — თითო შეკვრას,  
მზესა აქვს სხივი იმდენი,  
რამდენი ბავშვიცაა ქვეყნად!

## ღრუბლის სურათები

ღრუბელს დიდი მუცელი აქვს,  
ღრუბელს დიდი კუდი აქვს,  
ღრუბელს ზურგი გაებერა  
და დრუნჩას ჰგავს გუდიანს...  
— გუდიანო დრუნჩა!  
გუდიანო დრუნჩა!  
მაგ გულაში რა გიყრია,



წაბლია თუ ფურჩა? —  
ასე რომ ეკითხებოდა  
ღრუბლის ღრუნჩას უჩა,  
ღრუბლის ღრუნჩა უცბად ღრუბლის  
ვარდად გაიფურჩქნა...  
ღრუბლის ვარდიც გადაიქცა  
თეთრ და მაღალ კოშკად.  
კოშკიც გაქრა და მის ნაცვლად  
ახლა ციყვი მოჩანს...  
სანამ მივეფერებოდით,  
ღრუბლის ციყვიც გაქრა...  
და მის ნაცვლად გედი გაჩნდა,  
ღრუბელმა ეს რა ქნა?  
— აუ, ბიჭო, თეთრი გედი  
ცის ლურჯ ტბაზე ცურავს! —  
მაგრამ გედი კაცად იქცა,  
თავსე ქუდი ხურავს...  
— ღრუბლის კაცო, ღრუბლის კაცო! —  
ვევირით, ვევირით, მაგრამ  
ღრუბლის დიდი კაციც უმაღ  
იქცა ღრუბლის აფრად...  
...ღრუბლის ღრუნჩა — ღრუბლის  
კოშკად,  
ღრუბლის ციყვად,  
ისევ აფრად,  
კიდევ რად არ გადაიქცა,  
ვიდრე ციდან მთლად არ გაქრა.

## არ ბერდებიან

ეს ბაბუას მოწეული  
ტარო და მტევანია.  
იცით, ბაბუ ომისა და  
შრომის ვეტერანია!

ეს ბებიას მოწეული  
ჩაი და მტევანია,  
იცით, ბებო ომისა და  
შრომის ვეტერანია!  
ფაშისტურმა გერმანიამ  
როცა ომი დაგვიწყო,  
ბაბუს ბებოც გაჰყვა ომში —  
მოწყალების და იყო.

გამარჯვების წითელ ღროშით  
მტერს ბერლინში შესდიეს —  
გაუმარჯოს გამარჯვებულ  
ბაბუებს და ბებიებს!

ჩემი კარგი ბაბუა და  
ჩემი კარგი ბებია  
კვლავ შრომობენ თავდადებით,  
ჰოდა, არ ბერდებიან.

ვით მტერს —  
მოსულ სიბერესაც,  
ისე უმკლავდებიან,  
ისე არ ნებდებიან.



მინდა დედის დასატკბობად  
 შეგისწავლო ლექსთა ბწკარო,  
 დედა მზეა ჩვენს ოჯახში  
 და სიკეთის ყველა წყარო!

კარგები რომ გავიზარდოთ,  
 მუდამ შრომობ, მუდამ წვალობ,  
 კერის ცეცხლით დადაგულო,  
 ქვეყნის ცეცხლით გულდამწვარო!

ასე ნატრობს ჩემი დედა,  
 ჩიტის დედაც ფრთებგაშლილი:  
 — დედა მაშინ არ იღარდებს,  
 თუ ივარგებს მისი შვილი!

ქართული ანბანი



ჩემი ქართული ანბანი  
 აბჯარია და ნაბადი,  
 რომ მასწავლიდნენ დალოცვილს,  
 სულს ბულბულივით ვნაბავდი!

ქართულ ასოთა ლამაზად  
 როცა ვსწავლობდი გადაბმას,  
 გამომდიოდა სიმღერა  
 ნათქვამი ათა-ბაბადან!

ვნათობდით ჩვენი ანბანით —  
 ოცდაცამეტი მნათობით,  
 სულ თავზე დაგვკაშკაშებდა  
 გვართმევდნენ, მაგრამ არ ვთმობდით.

ფარნავაზია ჩაქუჩით  
მისი პირველი მჭედელი,  
პირველი დაფაც ბოლნისის  
ტაძრის უკვდავი კედელი!

## საქართველოს უკვდავება

ჯაჭვის პერანგგაუხდელი,  
რწმენითა და ერთგულებით,  
თავდადებით,  
თავგანწირვით,  
მამულს ბურჯად შედგმულები,

გაუტეხელ სეფე სიტყვით,  
კდემითა და ჩაუქობით,  
დაჯერებით,  
თმენით, ფიცით,  
ძლევის ჟინით ჩაუქრობლით,

იაე-ნანით სავსე უბით,  
სიფიცხით თუ სიჯიუტით,  
არც ერთ ჭირში საქართველოს  
ვადაში არ გადაუტყდით!

მამულისთვის დაეხოცილვართ,  
მამულისთვის გვიმრავლია,  
კრწანისს ახლაც მაშინდელი  
ხმლების ცეცხლის ბრიალია!

სისხლის მსმელი შაჰი ჩვენს სისხლს  
სვამდა, მაგრამ ვერ დალია,

წიწამურთან საქართველო  
ვერ მოუკლავს ბერდანიანს!

ვერ წაგვართვეს რჯული, რწმენა,  
ვერ წაგვართვეს ტკბილი ენა,  
ტყე შრიალებს, ყანა ღელავს,  
მტკვარიც თითქოს მიდის ნელა,

და ცხოვრება ჩვენი ერის  
დულს ვულკანად ჩაუქრობლად,  
ახლაც სტკივა საქართველოს  
მძევლობა და მამლუქობა!..

გადაყვივის მზე ცის კიდეს  
თეთნულდიანს, მყინვარიანს,  
„დედა-ენის“ დიდ დედულეთს  
და მამულეთს, დიდ ვარიანს!

საქართველოს ლაჟვარდ-ცაზე  
ტაძრებია მილურსმული,  
ყველა წითელ ყაყაჩოში  
ყივის გმირთა-გმირის სული!

ეს ნიავიც იმ ვაჟკაცთა  
თეთრ ჩოხების შრიალია,  
საქართველოს უკვდავებს  
ვინაც სული შეაღია!

დედაენა ✓

დედაენავ, ერის დედავ,  
დედაენავ ქართულო!

წიგნთა-წიგნო,  
წიგნთა დედავ,  
წიგნო ენაადგმულო.  
პაწაწინა ქართველების  
მუდამ წვრთნაში გართულო!

ანბან-ანბან სიბრძნით სავსევ,  
იით ამოხატულო,  
წყაროსთვალა ცოდნის წყაროვ,  
წყაროსავით მატულობ.

აშრიალებ ლექსად, ზღაპრად  
ქართულ სიბრძნის ყველა ფრთას,  
საქართველოს მაღალ ჭერქვეშ  
ანთებულო კელაპტრად!

აი, მუხა, აი უთო,  
აი, ხუთი ურემი,  
ზარმაც ხარებს უჭერენ  
შენი აპეურები.

თოვლი დადნა, თოვლი გალხვა,  
ჩიტი-გვრიტი მოფრინდა,  
მოიყვანა მაკრატელამ  
ვანოს დედა სოფლიდან.  
ბიჭო სესე, ჭრელ ჩიორებს  
ნუ აშინებ თოფითა.

გიგო, წიგნი წაიკითხე,  
ტყუილად გაქვს გადაშლილი,  
შეისწავლე „დედაენა“  
დიდი გოგებაშვილის!

მოუსმინე ცოდნის მამას,  
მოძღვრის წმინდა მოძღვრებას,  
და არ გაგიჭირდება  
სწორი გზების მოძებნა!

ისეთ ფრენას შეისწავლი,  
ესტუმრები მთვარესაც,  
თავსაც გაუძღვები და  
შენს მშობლიურ მხარესაც.

გაგიმარჯოს ერის დედავ,  
დედაენავ ქართულო,  
პაწაწინა ქართველების  
მუდამ წვრთნაში გართულო!

კ ა ლ მ ა ხ ი ✓

იციით?  
ერთი დანახვით  
შემიყვარდა კალმახი,  
რა ლამაზი ყოფილა,  
ჯერ არ მყავდა ნანახი.

ერთ წუთს ვერ ძლებს მიწაზე  
წყალში ნახანხალები,  
ვარსკვლავებად აყრია  
მოწითალო ხალები.

ყინულივით ცივ წყალში  
უყვარს ხტუნვა, სხმარტალი,  
ყველა თევზზე სწრაფია,  
ყველა თევზზე ამტანი.

ყველა თევზზე ლამაზია,  
რა ტანი აქვს, რა ტანი!  
ლოდებშორის ჩავძვერი,  
ტანსატულას ჩავცქერი,  
არ ესროლოთ ანკესი,  
არ დაუგოთ ფაცერი!

## ბ ა ზ ა ფ ხ უ ლ ი

მომწვანობს და  
მოლორთქობს  
მოლი — მიწის ღიმილობა;  
მოგილოცავთ, ლელეებო,  
ღიღილობას,  
გვირილობას...  
მოგილოცავ, მიწაჲ პირის,  
გაზაფხულის წვიმით ბანას.  
იობას და  
ენძელობას,  
კვირტობას და...  
ფოთლობანას,  
ლერწმობას და...  
ბუდეების შენებას და.  
ბარტყობანას;  
ახალ-ახალ მტრედობანას,  
ახალ-ახალ მერცხლობანას...  
ახალ ცისარტყელობანას,  
ახალ ვარდ-ყვავილობანას!  
გაზაფხულო! შენი ცვარი  
ვერცხლის წვეთად ეცნოს ბალახს!



მომწვანობს და  
მოდორთქობს  
ძოლი — მიწის ღიმილობა;  
მოგილოცავთ, დედეებო,  
ღიღილობას,  
გვირილობას!

## ც ი ს ა რ ტ ყ ე ლ ა

ცისარტყელავ,  
ცისარტყელავ,  
ავიკიდე გუდა;  
წამოვააოე სახრეს ხელი,  
შენთან მოსვლა მსურდა.

ხან ფართო გზებს გამოვყევი,  
ხან ბილიკებს გრძელსა,  
რამოდენა ნაბიჯებს დგამ,  
ველარ მოგწვდი ვერსად!

ხანდახან სულ ახლოსა ხარ,  
სიხარულით ფრთას ვშლი;  
ცალი ფეხი მთაზე გიდგას,  
ცალი ფეხი — წყალში...

გეხვეწები, ცისარტყელავ,  
მომაცილე დარდი...  
აილე და... ერთხელ ფეხი  
ჩემს ეზოშიც დადგი.

## წვიმა მღერის

მაღალ ციდან წვიმა  
მოიმღერის ნელა:  
— ვინც არ შევა სახლში,  
დავასველებ ყველას.

## ჩემს სოფელში

ჩემს სოფელში წიფობელა  
ხილს და ყანას გვიმწიფებს,  
მზის სხივები აძლევს თურმე  
ხილს შაქარს და სიწითლეს.

დღეს ათენებს ბულბული და  
შავი შაშვი გალობით,  
სოფელს გულს მეც გავუხარებ  
ჩემი კაიქალობით.

## ღაჟო წივის

ღაჟო წივის:  
— წივ,  
წივ,  
წივ...  
აგერ სახლის,  
წინ,  
წინ,  
წინ...  
თეთრი ბალი

მწიფს,  
მწიფს,  
მწიფს...  
ფოთოლს თავზე ვიხურავ,  
როცა ძლიერ  
წვიმს,  
წვიმს,  
წვიმს...  
ჯამაზის ბაღს ვდარაჯობ,  
არ ჩავდივარ  
ძირს,  
ძირს,  
ძირს...  
ასეთ ერთგულებისთვის —  
ვინ არ მომცემს  
წილს,  
წილს,  
წილს?!

## თეთრი ბაღი

ჩვენს თეთრ ბაღს რომ კუნწულებით  
დაეხუნძლა ყველა ტოტი,  
რასაც შევწვდით, ჩამოვკრიფეთ,  
რაც ზედ შერჩა, ჩიტი კორტნის.  
ბებო ამბობს: — აბა როგორ,  
რატომ ნანობ, გოგო დალი,  
ჩიტმაც ხომ უნდა იგემოს  
წლის ახალი მოსავალი?!

აჩუ, ცხენო! ✓

შევჯექი ჯოხის ცხენზე,  
გავაჭენე, მერე  
გავიარე ეზო,  
ბაღში ჩავიმღერე,  
მაგრამ აი, უცბად  
შემაჩერა ღელემ.  
— აჩუ, ცხენო, ჩქარა,  
ჩქარა, ლაგამს ნუ ხრავ,  
გამიყვანე გაღმა,  
კარგი ცხენი თუ ხარ!

**რომ იცოდეთ!**

ჩემს მეზობელ ძია დავითს  
მურია ყავს ხატულა,  
ბომბორაა, ყურპანტურა,  
ღობეებზე დახტუნავს;

იმისთანა კბილები აქვს,  
რომ იცოდე, ხათუნა,  
ერთი რაა, ორი რაა,  
ერთად დაგლეჯს ცხრა ტურას.

## არ ჩავსედე ჩიტის ბუდეს

ხის ტოტებზე ჩიტუნები,  
ბუჩქნარებში ჩიტუნები,  
ბუდეები, ბუდეები  
სოფლის გულზე მიკრულები.  
ბუდეები, ბუდეები —  
არც ერთში არ ვიყურები.  
აქეთ როცა მოვდიოდი,  
დამაბარა ასე დედამ:  
— არ ჩახედო ჩიტის ბუდეს,  
თორემ სხვაგან გაფრინდება.  
მე კი მინდა ჩიტუნებმა  
დაამშვენონ ეს სოფელი...  
განა ჭრელი ჩიტუნების  
დასაფრთხობად ჩამოვედი?

## მზია კვირას დაეძებს

ადრე რომ გაელვიდა,  
განა მისი ბრალა?  
რა ქნას გოგომ, თუ სხვები  
ისევ ძილში არიან?  
— ჩუ,  
კვირა ძლივს მოვიდა, —  
უთხრა მზიას ბებია.  
— ძილს ნუ უფრთხობ, მამიკოს  
ტკბილად ჩასძინებია. —  
და პატარა გაჩუმდა,  
დაიხურა საბანი,

გადმოხედა ლოგინებს,  
ექებს, კვირა სად არის.  
მერე ჩუმაღ წამოდგა,  
სხვა ოთახში გავიდა;  
ხედავს, იმ წყნარ ოთახში  
სძინავს მარტო მამიდას.  
აივანზეც გავიდა,  
დილას უთხრა სალამი.  
უკვირს მზიას, რომ აქაც  
უცხო არ ჩანს არავინ.  
გამოიქცა უკანვე,  
მოაქვს კარგი ამბავი,  
აი, ბებოს ჩურჩულით  
გადახადა საბანი:  
— გაიღვიძე, ბებიკო,  
კვირა არსად არ არი!

## ვერ მოვთიბავ

ცვარი ბრწყინავს,  
ცვარი ბრწყინავს,  
ბალახებზე ცვარი ბრწყინავს,  
ამ ჩემს მინდვრებს წუხელ მთვარემ  
ოქრო-ვერცხლი დააწვიმა...

ვდგავარ ცელით,  
მაგრამ ვხედავ,  
მინდვრები თავს იწონებენ...  
ვერ მოვთიბავ,  
ბალახები  
საყურეებს ისწორებენ!

## ვერ მიიერთებ...

ტურა შეხვდა ქათამს  
ტყეში, ღელის პირას.  
— უჰ, რა მსუქანი ხარ! —  
შეჭმა დაუპირა.

— შენ ვერ შემჭამ, ტურავ,  
ვერ ჩამიგდებ ხელში,  
ქათამი ვარ დათვის,  
მიტომ ვცხოვრობ ტყეში.

გაიპარა ტურა  
ტყიდან დათვის შიშით,  
ახლა ქათამს დათვი  
შეხვდა პანტის ძირში.

— თუმცა მსუქანი ხარ,  
არ მეყოფი ლუკმად.  
— მე ვეკუთვნი დიდ ღომს,  
კბილს ილესავ უქმად!

გაიპარა დათვიც,  
ხევ-ხევ გაიძურწა,  
მელა შეხვდა ქათამს,  
მიაძახა წუწკმა:

— უჰ, რა მსუქანი ხარ,  
ვინ გაგიშვა ველად?..  
— შენ სიმსუქნე ჩემი  
ტყუილად მოგწონს, მელავ!..

ქათამი ვარ ვეფხვის,  
მიფრთხილდება ყველა!  
და შენ ვინ მიგდიხარ,  
ქურდბაცაცა მელა!..  
...გარბის მელა,  
ლამის  
მოიტეხოს ფეხი...  
ვერ მიირთმევ ქათამს,  
თუ პატრონობს ვეფხვი!

## ჩემს სამშობლო ✓ საქართველოს...

მზე კრწანისის, მზე მარაბდის,  
მზე საგმიროდ შემართული!  
მზე ვარძიის, მზე კლარჯეთის!  
მზე ზურმუხტით შეკალთული!  
მზე გელათის, მზე მარტვილის,  
მზე მთაწმინდის ლექსად თქმული,  
მზე დავითის, მზე თამარის!  
მზეხათუნი, მზეხატული!  
მზე ალაზნის, მზე კოლხეთის,  
მზე ვენახად დახლართული,  
მზე ოქტომბრის და მაისის,  
მზე დროშებით სხივგანთქმული!  
მზე — დედამზე, მზე — მამამზე,  
მზე — ცხრათვალა, მზე — ქართული,  
მზე კაშკაშა სამთარ-ზაფხულ  
გვიოქროებს მთას და მდელს,  
გაუმარჯოს მზისგულიან  
ჩემს სამშობლო საქართველოს!



## ს ა რ ჩ ე ვ ი

### ბალი დამწიფებულა

მე და ბელურა	7
გავხდი უკვე ბაღელი	7
ფისო .	7
მონადირე	8
ბლის ხე	8
ფალავანი	8
ყანაში	8
მზია	9
ტაში, ტაში	9
ბროლის გოგო გახდები	9
ციყვის ოჯახში	10
ყვევილები .	10
ზურია და ენძელა	11
ყველა თავისებურად	11
მარტი . . .	11
წელი და აბრეშუმის ქია	12
თხუნელა	12
ტყუპები	12
ერთი ვაშლი	13
წაგბაძვენ ცინდლები	14
*** (გაიტაცა მურიამ...)	14
„ალუ“ ჩემი სიმღერაა	14
მურიკელა	14
ბურთი	15
ჩემო პაწია!	15
ეშმაკი თიკანი	15
გია და ყვევი .	16
თავვი კაკლის გორაზე	16

თოვლის კაცი	16
დათვი შვილიშვილებში	17
გაზაფხულდა	17
ჩემი ციგა	18
გაზაფხული მოვიდა	18
ალაბულა-ალაბულა	19
საქართველო	19
ბროლის ჩურჩხელები	20
ფიფქი	20
ჩაიდან	20
ხარის ჩივილი	21
დაიჭირეს მელა	21
ჩიტი ლაქო	21
ჩაიში...	22
ციტუნია ველარ ციციბს	22
მურა და მწყემსი ბიჭი	23
რუქუ, რუქუ	24

#### რა ბებიკო მყავსო

რვა მარტია, მაგრამ დედას არ სცალია	27
ბებოს სიმღერა	28
დედა კატა და თხები	28
ჩვენი ბებო	29
ძილისკაცი	29
ალიხე, მალიხე	30
ბაყაყია ყიყინაძე	31
რა ბებიკო მყავსო!	31
რა მამიკო მყავსო!	33
თოჯინას დაბადების დღე	33
თეთრი კვერცხი	34
გამომადგა	34
კარტოფილის წიწილები	35
ზოოპარკის კარუსელზე	35
ბებოს გოგო	36
სხვისი კატა	38
ვენახის კაცი	39
ჩემო ბებო	41
კიკი, კიკი, კიკიკელა	42
ჯიუტი ბაჭიები	42
მე ვიზრდები სოფელ ხუნწში	43
როცა დათბა...	46

*** (წყარო, წყარო...)	46
ეს კარგი კაცი გამოვა	46
ზღაპარი	47
თამაშა	48
ჩვენ ვეზრდებით სამშობლოს	49
ვის ჰგვანან ნეტავე?	51
ბიჭი ზღაპარში	51
ჩხარელ ბეზიას	52
კურკანტელის სტუმრები	53
ახალკოლხური ნანა	54
მარჯვე წიპა	56
თებერვალი მოსულა	57
ბეზიასთან	57
დამეკარგა ფეხსაცმელი	58
ჩიტის ბუდესთან	59
მოცურავე	59
მშიშარა	60
პერი ზღაპარს, ზღაპარსა!	60
მათობებელა ბუხარი	60
დათვი	61
წვიმა და გოგონა	61
მსხლის მურაბა	62

### გვიქმარს ჩვენი კარგი სკოლა

ყველა სკოლის ზარი მღერის	65
გვიყვარს ჩვენი კარგი სკოლა	66
სამშობლო რომ ვასახელო .	67
თვლა	68 ✓
დიდება	69
*** (ნეტავე ჩემს დაიკოს...)	69
დღეს ძალიან გამახარეს	69
ვინც დედ-მამას ეხმარება...	70
წიგნი მიყვარს	71
ჩხიკვის დამალული თხილი	72
ოა	72
კნაწაცნუწი	73
მანქანა ვარ იატაკის	73
მოვიდა წელი ახალი	74
ტყე	74
თხუპნიებს	75
თაგვის საბანი	76 ✓
სურამელა	76

გია და ბლის ხე	76
მარწყვი გემრიელია	77
შვილო, შენი მორთმეული...	77
სამშობლოს — საქართველოს!	78
არაფერა-ბარაქელა	79
აბურდია, ჩაბურდია	80
ღია-ღუა	81
ლილი და სავარცხელი	82
ბიჭი და ხზო	83
ჩემი შვილიშვილები	83
წუწკი კატა	84
ციცქნა დრუნჩას ყველაფერი!	84
გეპატივებით სოფელში	86
აზა და მისი ყვაელები	86
ჩემს საქართველოს ვუმღერო	88
ვერ წამოვალ ქალაქში	89
ბიჭვინთის ავტომატარებელი	90
აცხა-ბაცხა	91
ერთგული მეგობარი	92
მეზადური	92
წელს შავ ზღვაზე ვისვენებდით	92
მე და ტალღა	93
დათუჩები უმთვარო ღამეში	94
დედა კიანჭველა	94
სოფელ ხუნწში	95
კიამაია	96
დათვი გიგოს ყანაში	97
ალიცანცალი, მალიცანცალი	97
ზარმაცი	98
საყურეებიანი კატა	98
მე და ჩემი ნამგალი	99
რაც სოფელში ჩავედი	99
ფისო მთვარეზე	100
ქაფის გოგო	100
პატარა მწველავი	101
დედა ჩიტის სიმღერა	101
საახალწლო ზეიმი	102
სურობალა	102
ავისრულებ ნატვრასა	104
ლიდა და ლურჯი ია	104
რა კარგია!	105

მზის თქვენ უყვარხართ, ბავშვებო!

მეკითხება მედეა	109
ჩვენი ვენტილატორი	109
ეს გუბე მარტო ჩვენია!	111
მერცხლების სიმღერა	111
მზეს თქვენ უყვარხართ, ბავშვებო!	112
ღრუბლის სურათები	113
არ ბერდებიან	115
დედა	116
ქართული ანბანი	116
საქართველოს უკვდავება	117
დედაენა	118
კალმახი	120
გაზაფხული	121
ცისარტყელა	122
წვიმა მღერის	123
ჩემს სოფელში	123
ლაჟო წივის	123
თეთრი ბალი	124
აჩუ, ცხენო!	125
რომ იცოდეთ!	125
არ ჩავხედე ჩიტის ბუდეს	126
მზია კვირას დაეძებს	126
ვერ მოვთიბავ	127
ვერ მიირთმევ...	128
ჩემს სამშობლო საქართველოს...	129

Ствилия Лидия Васильевна  
ЛЮБИМЦЫ СОЛНЦА

(На грузинском языке)  
Художник З. Денсалзо  
Детюниздат Грузинской ССР  
«Накадули», Тбилиси, 1990

ს. ბ. № 2445

უ მ ც რ ო ს კ ლ ა ს ე ლ თ ა თ ვ ი ს

რედაქტორი ე. კუბლაშვილი  
მხატვარი ზ. დეისაძე  
მხატვრული რედაქტორი გ. ლლონტი  
ტექნიკური რედაქტორი მ. გოგოლაძე  
კონტრ.-კორექტორი მ. ლალაძე  
კორექტორი ა. კიკინაძე  
გამომშვები ლ. თავართქილაძე

გადაეცა ასაწყობად 7.02.90. ხელმოწერილია დასაბეჭ-  
დად 13.06.90. ქალაღის ზომა 60×84<sup>1</sup>/<sub>16</sub>. გარნიტური  
ლიტ. ბეჭდვა მაღალი. პირობითი ნაბეჭდი თაბახი 7,90.  
საბ. ქალაღი № 1. საღებავგატარება 8,37. სააღრ.-საგა-  
მომცემლო თაბახი 4,86. ტირაჟი 10.000. ჭეკვ. № 114.

ფასი 25 კაბ.

გამომცემლობა „ნაკადული“, თბიღისი, კ. გამსახურღიას  
გამზირი, 28.

Издательство «Накадули», Тбилиси,  
пр. К. Гамсахурღიа, 28.